

南詔野史原序

帝王有天下有國史以紀事有野史以僉載滇雖邊
徼亦有野錄但所載多釋老不經兼漫漶無序亦詔
事竟固聞知余成滇久欲一考求弗得適黔國沐公
雲樓出古滇集示庠士始得披閱焉視中丞箬溪顧
公南詔事畧則加詳矣無何復得前知蜀威遠縣事
滇人倪輅所集野史一冊而亦詔始末具備誠郡乘
之裨也不授諸梓不猶秘論衡者乎因蒼萃成編名
曰南詔野史而四編也有四善焉辨方也訊俗也好
古也傳後也上以廣國家方輿一統之盛下以備



NATIONAL CENTRAL LIBRARY, TAIWAN, R.O.C.

002164

國立中央圖書館藏善本	
書碼:	文部編史類通代之屬
書名:	南詔野史
著者:	清胡蔚訂正 二卷 四冊
版本:	舊鈔本 朱筆批校

明楊慎撰

全幅
(公分)

28.8 × 17.5

02027

4 冊

古今滇雲始末之詳比於虞初九百之說方朔三千
之續不庶幾其有益乎爰序而書之

明嘉靖二十九年庚戌八月四川新都楊慎 升菴
氏

新序

遊萬里而不識其山川疆土古今人事物類之數則
猶弗識矣而又不能筆於簡冊備夫考求仍弗遊也
余嗜古而好遊兩涉滇南往來三迤行且數數每於
登眺流連之際緬懷往古輒欲援以証今而風塵興
馬間探索有所所未逮間日披覽志乘於滇雲典故
姑畧識其概迨後辱脩白井東川二志則一方之紀
載又具焉然常竊疑山叢然而高水潏然而深都會
非不大也區市非不廣且奧也蒼蒼莽莽其區市都
會之外豈古來之荒遠寂寞寬盡若此乎及讀升菴先

生南詔野史一編所記間多志乘所闕遺而蒙段九
姓竊土僭號其始末尤詳指所在而求之則巔水涯
宜無不得其遺迹者是荒遠而寂若非荒遠窺者非寂窺滇雲
典故於斯為備而後嘆嗜古之非易而好遊之不多
得也於是訂其譌佚正其踏駁錄而弁諸約笈以為
登眺之資述而不作則亦守夫尼山之教云
大清乾隆四十年乙未季冬湖南武陵胡蔚美門氏

南詔野史目錄

上卷

南詔之稱

六詔考

南詔分野

南詔歷代稱名不同

南詔歷代據土總綱

南詔稱謂官制

南詔三十七蠻部

南詔歷代

國家圖書館 NATIONAL CENTRAL LIBRARY, TAIWAN, R.O.C.



鄯闡國

白崖國

昆彌國

滇國

白子國

建寧國

南詔大蒙國

大長和國

大天興國

大義寧國

大理國

大中國

後理國

下卷

段氏總管

南詔歷代名宦

南詔歷代鄉賢 附元朝進士

南詔各種蠻夷 六十條


南詔古蹟 八十條

紀事



續紀事
滇南月節詞

南詔野史



國家圖書館, NATIONAL CENTRAL LIBRARY, TAIWAN, R.O.C.

南詔野史

上卷

明四川新都楊

慎升菴編輯

大清湖南武陵胡

蔚美門訂正

南詔之稱

蠻夷稱王曰詔先時滇有六詔各據其地六詔中蒙

舍詔最強後併五詔故稱南詔

六詔考六詔之地東西南北

蒙舍詔州之細奴邏立國居蒙舍川地在永昌姚

閣併五詔獨稱遼賤詔豐理之國居鄧州是今施

浪詔次望山今大府浪穹縣地是浪穹詔時

咩



波初按道書

按書云越析詔書曰
唐立詔書於越析詔書曰
木白東地居於越析詔書曰
波初按道書於越析詔書曰
使召求管於越析詔書曰
父子于越析詔書曰
東北波初按道書

立國居浪寧後其孫鐸羅望遷劍川越析詔初
改稱劍浪詔今麗江府劍川是
立國亦稱摩步詔又號花馬國居嵩州今麗蒙
江府是後其兄子于贈波瀘邑於龍佉河
嵩詔川寧遠府越嵩廳是
南詔分野

在天井鬼入參一度漢書次鶉首未位晉書麗中台
上位北斗開陽一星宋書在地乃梁州裔土蜀之苑
圖河圖

南詔歷代稱名不同
周鄯闡國白崖國昆彌國戰國時滇國漢西南夷益
州白子國後漢建國寧晉宋齊梁陳寧州隋昆州唐

初南寧六詔唐文宗太和間名鄯闡府宋仍名南詔
元名中慶明名雲南省

國朝因之按武漢帝元狩元年彩雲見南中今大理
之白雲南之名始此唐元宗問蒙舍詔盛邏皮之相
張建一作成住何處曰南邊雲下因命為雲南又元
宗見祥雲起名祥州今大理府之雲南縣也

南詔歷代據土總綱

鄯闡國蒙苴頌昆彌國莊踏仁果龍佑那據於周秦
漢迄六朝細奴邏據於唐鄭買嗣趙善政揚干貞段
思平高昇泰暨正淳相繼據於唐末迄南宋凡歷有

按漢書云太祖高皇帝長子右龍仁授永昌衛鎮撫使

九姓而雍闓孟獲不與焉段氏於南宋理宗壬子淳祐十二年為蒙古所滅而段實於理宗景定二年襲總管傳十二世明太祖壬戌洪武十五年平雲南擒段世并段明之二子苴仁苴義賜苴仁官雁門衛鎮撫苴義官武昌衛鎮撫段氏之世土方絕而又別封其族人段保為大理府雲龍州土知州國朝尚有襲土職者

南詔稱謂官制

南詔稱帝曰驃信王曰詔自稱曰元稱后曰信麼亦曰九麼妃曰進武兄曰容弟曰鍾下曰梟其設官則

有把國事八人曰坦綽曰布燮曰九贊謂之清平官曰酋望曰正酋望曰負外酋望曰大將軍曰負外又設九爽之名爽省也功爽主官人宗爽主戶籍萬爽主財用慈爽主禮引爽主賓客幕爽主兵罰爽主刑厥爽主工作禾爽主商賈皆清平官酋望大將軍兼之以清平官子弟為羽儀長佩之又有六曹長各二人曹長有功陞大將軍大將軍凡十二人又立三託巨託主倉廩氣託主馬祿託主牛大府主將曰演習副曰演覽中府主將曰繕裔副曰繕覽下府主將曰澹簡副曰澹覽小府主將曰幕撫副曰幕覽每府有

佩之句數多既記

是於漢地理志可存也

言里子去

陀箇陀西即掌書記判官之類外有八節度使曰弄
 棟節度使府今楚州曰銀生節度使今景東廳及曰永
 昌節度使府今永昌曰麗水節度使今麗州曰劍川節度
 使今麗州曰東川節度使今雲南府曰通海節度使今
 安府通曰招東節度使今雲南府曰會川都督今
 地又有二都督曰會川都督曰會川都督今
 督又設十曰蠻語謂音羊又名理府太和趙州
 驗今大理白崖趙州之白崖今雲南今雲南今雲南今
 蒙舍今化今廳大釐趙州之白崖今雲南今雲南今
 品澹今驗今蒙今秦今驗今和今驗今趙今州今州今州今
 趙州今大理今白崖今趙州今之白崖今雲南今雲南今雲南今

而下作義督驗今今創越川州威遠驗今普洱府威遠廳
 南河東義未詳其地越川州威遠廳今今普洱府威遠廳
 又名成驗今今楚州永北廳樓頭今昌騰越州北方廳
 寧縣路驗今今楚州永北廳樓頭今昌騰越州北方廳
 又考此七驗今楚州永北廳樓頭今昌騰越州北方廳
 是於漢地里志又其越州永北廳樓頭今昌騰越州北方廳
 即不同音又各異似凡人丁壯者皆為戰卒王之親
 非列於十驗之數似凡人丁壯者皆為戰卒王之親
 兵曰朱弩佉苴府皆作佉嗟未審孰是佉苴韋帶
 也每兵百人置羅苴子統一人戴朱鞞蓋負犀革銅
 盾而跣足自大將軍以至曹長皆繫金佉苴尚絳紫
 有功加錦又有功加金波羅皮即虎民兵號白衣沒命
 凡民兵出以望苴蠻為先驅

南詔三十七蠻部

白名予

林交趾國之祖八子蒙苴頌白子國仁果之祖九子
蒙苴閔音玳初六切白夷之祖○哀牢今永昌府夷傳哀牢蠻
蒙伽獨捕魚易羅池在永昌府城南溺死其妻沙壹一作往
哭之水邊觸一浮木有感而妊產十子後携子至池
上木化為龍人言曰我子安在九子驚走獨季子背
龍而坐龍舐其背蠻語謂背為九坐為隆故名之曰
九隆氏哀牢山一名天井山下有婦奴波息生十女
九隆兄弟娶之立為十姓董洪段施何王張楊李趙
皆刻畫其身象龍文於衣後著尾子孫繁衍居九隆
山在永昌府城南谿谷間分九十九部南詔出焉

鄯闡國

周時立國年代久遠其姓名世次莫考

白崖國

西天天竺摩竭國阿育王低蒙苴第八子蒙苴頌居
白崖因地名號白崖國傳世莫考後昆彌氏繼之號
昆彌國

昆彌國一名拜國

昆彌氏傳世姓名莫考戰國時楚將莊蹻據滇并有
其地號滇國

滇國

戰國時楚頃襄王命將莊躒范蔚後宗漢書作莊豪將兵循江上畧巴蜀黔中以西躒至以兵威畧定滇地屬楚欲歸報會秦司馬錯攻楚黔中道塞躒遂以其衆王滇號滇國踞之後有王常羌者好佛國勢不振法令不行國人遂推白崖國蒙苴頌之後白飯王之裔仁果為王治白崖於是兩國角立後仁果奉漢封為白子國

白子國

漢武帝通西南夷遣使至滇求身毒國滇王常羌問使者曰漢孰與我大使者還報武帝怒其言不遜時

白崖國蒙苴頌之後天竺國白飯王之裔仁國果者為衆所推立於白崖武帝乃冊封仁果為王號白子國後遷於澂江今澂江府迨龍佑那繼之號建寧國○又一說白子國之先有阿育國王能乘雲上天娶天女生三子長季二子封於金馬碧雞獨封仲子於蒼洱之間崇奉佛教不茹葷日食白飯人因稱為白飯王迨後有仁果者漢封為滇王號白子國又十五世至龍佑那後漢諸葛武侯南征次白崖以佑那為酋長賜姓張氏仍統其民號建寧國

建寧國

後漢後皇帝乙巳建寧三年益州耆師雍闓假鬼術
殺建寧太守王昴歸東吳吳王孫權以闓為永昌守
後漢諸葛武侯南征至白崖殺雍闓擒孟獲乃封白
子國王仁果十五世孫龍佑那為酋長賜姓張氏於
白崖築建寧城蔚按建寧城廢址在今號建寧國立
鐵柱蔚按今彌渡有鐵柱宮鐵柱尚存先為建寧國
天尊柱張樂進求重鑄後南詔蒙世隆復重鑄名曰
高八尺并南中紀功碑銘其背曰萬歲之後勝我者
過此迨至隨時行軍總管太平公史萬歲征南寧夷
爨翫西破三十餘部至此見其碑銘命左右踣之其
碑踣中復有志曰史萬歲不應踣吾碑萬歲驚異後
樹碑祭拜而去後張龍佑那仍遷國潞江傳三十二
世至十七世孫唐封首領大將軍張樂進求於太宗
己酉貞觀三十三年見蒙舍川蒙細奴邏有奇相遂
妻以文遜國與之奴邏自稱奇嘉王建號大蒙國又稱
南詔

以上六國年代久遠莫詳世次畧序其綱如此
南詔大蒙國而下目列之

南詔大蒙國 傳十三世

細奴一作農邏一作羅 偽謚高祖奇嘉王

細奴邏又名獨羅消西天天竺摩竭國阿育王低蒙

苴第五子蒙苴獨之三十六世孫生有奇相唐太宗

貞觀初其父舍危又名龍伽獨將奴邏自哀牢避難

至蒙舍川耕於巍山今蒙化廳一日有老僧美髯冠

披袈裟持鉢至奴邏家乞食時奴邏與子邏盛炎方

耕巍山之下其姑與婦將往饑見僧乞食遂食之再

炊往饑僧坐不去姑婦持餉中道僧已在彼復乞食

姑婦又食之返而復炊持及饑至巍山則見僧坐磐

石上前有青牛左白象右白馬上覆雲氣雲中二童

各一執鉄杖於左一執方金鏡於右姑婦驚喜復以

所餉供之僧問何所願願姑婦不知對僧曰奕葉相承

及趣奴邏等至則但見一人持鉢坐五色雲中而磐

石上惟有餘衣痕及牛象馬之跡耳奴邏素有祥異

會唐封首領大將軍建寧國王張樂進求以諸葛武

侯所立白崖鉄柱歲久剥蝕鉄重鑄之因社會祭柱柱

頂故有金鏤鳥忽能飛集奴邏左肩相誠忽動八日

乃去衆駭異謂天意有屬進求遂妻以女舉國遜之

於唐太宗已酉貞觀二十二年即位年三十二歲建

號大蒙國稱奇嘉王據南詔高宗庚戌永徽元年建

都蒙舍川於隴吁山北在今蒙化廳西築隴吁城永徽

癸丑四年遣邏盛炎入朝唐詔授奴邏為巍州今蒙

化廳

化廳

化廳

化廳

化廳

刺史賜以錦袍大勃弄今大理府酋楊承顛寇麻州

在今曲靖府馬唐命郎州置郎州後改名播州即今

龍州道義府又有郎道行軍總管趙孝祖討之孝祖

貴州在今雲南縣地酋長沒盛迎戰孝祖斬之進至

先入小勃弄今雲南縣地酋長沒盛迎戰孝祖斬之進至

大勃弄攻其城破之擒揚承顛改雲南縣為匡州領

勃弄匡州二縣高宗顯慶二年鳳鳴於浪穹羅浮山

乃改名山為鳳羽山在大理府浪穹縣西南三十里又名烏吊山見水經註封

十二聖賢為十二山神時徵江人波羅旁有經濟才

用為文臣郭郡矣素以勇略聞用為武臣又有楊波

遠者相傳為東漢時人常騎三角青牛號神明大士

能知鹽泉滇中益井多遠所開奴邏在位遵唐正朔

高宗甲戌上元元年奴邏卒在位二十六年子邏盛

炎立

邏盛炎又名邏晟偽謚世宗興宗王

邏盛炎唐高宗甲戌上元元年即位年四十歲以張

建成為相明年盛炎臨朝玄宗壬子先天元年姚州

蠻叛歸吐番唐命御史李知古詩之築城立州縣知

古誅豪傑掠子女蠻怨引吐番攻殺知古於是姚嵩

路絕而盛炎獨奉唐正朔是年盛炎卒在位三十九

年子盛邏皮立

盛邏皮石刻作封臺登郡王 偽謚太宗威成王

盛邏皮唐玄宗壬子先天元年即位年四十歲明年

為玄宗癸丑開元元年唐授邏皮為特進封臺登郡

王今四川寧遠府冕寧縣地設官徵高稅開元二年遣張建成入

朝於唐立土主廟開元九年皮叛唐開元十四年立

廟祀晉右軍將軍王羲之為聖人玄宗戊辰開元十

六年邏皮卒在位十六年子皮邏閣立

皮邏閣一作羅閣石刻作歸義封雲南王

皮邏閣唐玄宗戊辰開元十六年即位年三十一歲

開元庚午十八年滅五詔自稱南詔王先是蒙氏恐

三十七蠻部不服選親族為五詔未幾五詔抗命邏

閣遂賂劍州節度使王昱求合六詔為一昱奏於朝

許之邏閣乃豫建松明大樓祀祖於上使人諭五詔

曰六月二十四日乃星回節按大理府郡志漢元

酋長曼阿娜之妻娜為漢將郭世忠所殺欲妻南

曰能從三事當許汝一作為幕次祭故夫一焚故夫衣

易君新衣一令國人皆知我以禮嫁忠如其言明日

聚國人張松幕祭夫其下置火南藏刃出俟火熾焚

夫衣即引刀自斷其頸仆火中時六月二十五日也

是又當為當祭祖不赴者罪四詔聽命惟越柝詔波

衝之兄子于贈遠不赴會而遣賧詔豐咿孫逵邏

垂書作皮邏

內名子之卷上

之妻慈善者止邏遼勿赴遼不聽慈善不得已以鉄
釧穿於遼臂而行二十四日邏遼及施浪詔施望欠
弟施望干浪穹詔豐時孫鐸羅望蒙嵩詔嵩輔子羅
原皆至邏閣所邏閣偕登樓祭祖祭後享昨食生飯
酒迨晚四詔盡醉邏閣獨下樓焚錢遽縱火火發兵
圍之四詔皆焚死邏閣遣使至四詔所報焚戲失火
四詔被焚狀令各詔收骨四詔妻至莫辨其骨獨慈
善因鉄釧得馬携歸葬之邏閣既滅四詔取名詔宮
人念慈善慧而甚美遣兵圍其城迫取之善慈曰吾
豈忘夫仇者閉城堅守半月城中食盡慈善度不能

支即自殺時七月二十三也邏閣嘉其節乃封贈為

寧北妃并旌其城曰德源城城廢址在今大理府鄧

開元戊寅二十六年邏閣破吐蕃及彌蠻入朝玄宗

禮之加封為特進雲南王越國公開府儀同三司賜

名歸義并錦袍金鈿帶七事王歸國以兵逐洱河蠻

築太和城今大理府城南十里又築大釐城今大理府

州喜守之盡有雲南之地唐授王子閣邏鳳為右領

軍衛大將軍兼陽瓜州刺史開元二十七年明矯叛

破劍川浪穹永昌開元二十八年王詩明矯平之開

元辛巳二十九年王自蒙舍川遷居太和城立龍首

即今龍尾即今二閩唐加閣邏鳳為左領軍衛大將
軍立宗癸未天寶二年築羊苴咩城於太和城之北
即今大城唐遷閣邏鳳為左金吾衛大將軍尋拜特進
都知兵馬大將軍天寶甲申三載西方進獅子皮唐加
閣邏鳳為上柱國天寶乙酉四載十月城永昌天寶
丙戌五載王遣孫鳳伽異入唐唐授伽異為鴻臚少
卿妻以宗室女賜龜茲樂一部立宗戊子天寶七載
王卒在位二十年子閣邏鳳立

閣邏鳳一作覺樂鳳按德化碑云家居襲封雲
南王偽始建元武是取地名以為名也

閣邏鳳唐立宗天寶戊子七載即位年三十六歲唐
遣中使黎敬義持節冊鳳襲封雲南王勅置陽瓜州
於蒙舍川加授鳳伽異為上卿兼陽瓜州刺史却知
兵馬大將天寶庚寅九載王率妻子往謁都督李宓
過雲南太守張虔陀私之又多徵求王表虔陀之罪
中官賈竒俊抑之不得達王復遣軍將楊羅顛等連
表控告立宗仍不省鳳怒遣大將軍王毗雙羅時等
發兵攻虔陀急陀飲酖死遂取姚州并夷州三十二
獲唐雋州西瀘令鄭回以歸愛其才用為清平官天
寶辛卯十載唐命劍南節度使鮮于仲通將兵八萬

漢載記云清平官
即其國宰相也

卷之七
南唐傳作善也

征雲南鳳赴瀘南城在楚雄府姚州之北一百五十里謝罪願還所俘

掠請罷兵仲通不許分三道而進仲通自南谿路大

將李暉自會同路都督王知進自步頭路今臨安府地鳳

就安寧再伸哀恫仲通不聽兵至曲州靖州二州今為曲靖

地鳳復遣首領楊子芬叅軍江如之賫狀言若不罷

兵即當歸吐蕃恐雲南非唐有仲通終不許因其使

進薄白崖城別遣大將王天運統師遠出點蒼山後

鳳遣鳳伽異及大將軍段儉魏迎山後師自逆戰於

西洱河唐兵大敗死者六萬人王天運戰歿仲通僅

以身免鳳乃叛唐建元長壽遣弟閣陂和尚及子鐸

傳酋望趙銓鄧揚傳磨侔等并子弟六十人獻凱吐

蕃彼有神術人馬往來吐蕃不過朝夕之頃天寶壬

辰十一載正月一日遣宰相倚祥葉樂持金冠錦袍

金寶帶金帳狀安扛繖鞍銀戰器四珂貝珠毼衣服

馳馬牛羈等物至鄧川以鳳為兄弟之國冊為贊普

鍾南國大詔給金印稱東帝并授鳳伽異大瑟瑟告

身都知兵馬大將鳳遂改是年為贊普鍾元年發人

口百戶於浪穹築白崖險城又遣兵攻掠安寧天寶

甲午十三載六月唐命前雲南郡都督兼侍御史劍

南留後李宓廣府節度使何履光等率十道兵再征

按乘人得事法鍾

雲南兵徧鄧川鳳造鳳伽異段儉魏迎戰於江口時
神川都知兵馬使論綺里徐救兵已至巴驕山遂誘
突深入內外夾擊突糧盡士卒饑疲引還鳳以精兵
追戰唐全軍覆沒李宓被執沉江死何履光遁去鳳
因進取雋州會同郡據清溪關以破越析此二役也
皆鳳弟閣陂和尚及鳳妃白氏行妖術展怕拍手而
笑韓陀僧用鉢法以故唐兵再敗時唐先後喪師已
二十餘萬鳳乃歛戰骸築京觀於龍尾關河尾名萬人
塚立碑大書唐天寶戰亡士卒之墓而唐宰相楊
國忠更擒敗以捷聞敕戰功令清平官鄭回撰德化

碑唐流寓御史杜光庭書立石太和國門外明其不
得已叛唐歸吐蕃之故天寶乙未十四載冬十一月
東平郡王安祿山反於范陽鳳乘機以兵取蜀邛州
築邛子城及麗水金寶城陞段儉魏為清平官賜名
忠國旋拜相國代宗甲辰廣德二年羊苴咩城成鳳
名之曰大理城又名紫城代宗乙巳永泰元年鳳伽
異築雲南城即今雲南府省城又築柘連城今雲南府昆陽州北平定鄉
遂以兵攻陷曲靖代宗丁巳大理歷十二年永昌牛
生三角羊四角鷄九足井有光建觀音寺於白崖先
是邏盛炎時相國張成建欲於白崖建寺卜之告吉

又云地下有三截觀音上截在西中截在東下截在東南因盛炎旋卒不果建至是建寺掘之果然代宗戊午大歷十三年邏鳳卒在位三十年因子鳳伽異先死後追謚孫異年尋立

異年尋 改國號曰封雲南王又封南詔王謚孝

桓王

異年尋唐代宗戊午大歷十三年即位二十四歲明年改元見龍又改上元率兵三萬取蜀為東府又連吐蕃入寇唐命神策都將李晟擊破之師還自稱南詔王德宗甲子興元元年年尋遷居史城即大改號

大禮國自稱日東王封嶽瀆以葉榆今大點蒼山為

中嶽烏蠻川今東烏龍山一名嶺縣東北三百里為東嶽

銀生府今景蒙樂山一名無量山在為南嶽又封南

安州今楚雄神石亦為南嶽越賤今永昌府高黎貢

山騰越名崑崙之隅在為西嶽嵩州今麗雪山一名玉龍

北二為北嶽封金沙江源出吐蕃旄牛徼外犁水石

十麗水經麗江府鶴慶州姚州而東北達於四水經

為府之馬湖即山海經所謂若水地昔黃帝長子

雲南之遂不縣即金沙江巡檢司為諸侯娶蜀山

昌意德芬不縣即金沙江巡檢司為諸侯娶蜀山

氏女生顓頊於若水祀在武定州滄江源出吐蕃

之本陽疑即其地也滄瀾瀾滄江鹿府度雲

龍州至永昌府東經順寧府達於車聖過交趾而入

注文得雲弄山滇載此山作特字

高黎貢山滇載此山作高黎貢山

漢載記云六方之地屬
以滇從中國故今都曰
直畔到前曰善國曰
國時人為之往來也

於南祀在順寧府怒江源出西域雍望奔流而下深
入麗江府境野人界至祀在永昌府為四瀆各建神
祠又立三皇廟德宗丙寅貞元二年設官立九夷三
託考疆域其地東至於銅柱鉄橋蟠桃玉榆東南至
於交趾國南至於驃國西南至於木落山西至於太
石西北至於吐蕃北至於神川東北至於黔巫入方
之地屬以入寅皆中國降人為之經畫者貞元丁卯
三年尋居大理城命子弟師事鄭回時尋苦吐蕃徵
求無厭會李泌勸德宗招南雲以斷吐蕃右臂帝從
之命韋臯為西川節度使臯受命招撫羣蠻鄭回因

說尋歸唐尋以為然臯遣謀者致書於尋吐蕃知而
疑之乃責南詔大臣為質尋愈怒於是決計歸唐臯
以聞德宗乃命臯作書諭尋是年四月吐蕃犯蜀來
徵兵蔚按即吐蕃劫渾尋謝絕之貞元五年尋遣烏
蠻勿鄧大鬼主苴夢衝兩林都大鬼主苴那時聘於
臯因入朝臯遣其屬雀佐時報之時吐蕃使數十人
先在佐時至尋令更衣入佐時不可曰天朝大使豈
衣夷衣尋不得已夜迎之佐時至大宣詔旨令尋斬
番使去所立之號尋遂與佐時盟於點蒼山下貞元
九年尋遣使上表請從韋臯襲吐蕃詔冊封為雲南

按此僅言三江石至四葉一射據漢書
紀古事惠江并南流江流江流江
四法

漢書載云八方之地屬
以漢代中國故今都曰
宜詳辨者曰善國
國降人為之任書也

於南 祀在順寧府怒江源出西域雍望奔流而下深
海 祀在順寧府怒江源出西域雍望奔流而下深
江府境野人界至 祀在永昌府為四瀆各建神
府境乃名潞江

祠又立三皇廟德宗丙寅貞元二年設官立九夷三
託考疆域其地東至於銅柱鉄橋蟠桃玉榆東南至
於交趾國南至於驃國西南至於木落山西至於太
石西北至於吐蕃北至於神川東北至於黔巫入方
之地屬以入寅皆中國降人為之經畫者貞元丁卯
三年尋居大理城命子弟師事鄭回時尋苦吐蕃徵
求無厭會李泌勸德宗招南雲以斷吐蕃右臂帝從
之命韋臯為西川節度使臯受命招撫羣蠻鄭回因

說尋歸唐尋以為然臯遣謀者致書於尋吐蕃知而
疑之乃責南詔大臣為質尋愈怒於是決計歸唐臯
以聞德宗乃命臯作書諭尋是年四月吐蕃犯蜀來
徵兵蔚按即吐蕃劫渾尋謝絕之貞元五年尋遣烏
蠻勿鄧大鬼主苴夢衝兩林都大鬼主苴那時聘於
臯因入朝臯遣其屬崔佐時報之時吐蕃使數十人
先在佐時至尋令更衣入佐時不可曰天朝大使豈
衣夷衣尋不得已夜迎之佐時至大宣詔旨令尋斬
番使去所立之號尋遂與佐時盟於點蒼山下貞元
九年尋遣使上表請從韋臯襲吐蕃詔冊封為雲南



王以韋臯為雲南安撫使王遣使詣臯獻夷中歌貞
元十年吐蕃徵兵於王王陽示寡弱以兵三千應之
自將數萬人踵其後正月襲擊吐蕃戰於神川斷鉄
橋在巨津廢州今取十六城俘其五玉降衆十餘萬
軍資甲仗無算遂遣弟湊羅棟清平官尹仇寬獻捷
於唐并獻地圖納貢及吐蕃所給金印請復號南詔
於是唐以祠部郎中袁滋為中丞賜金紫充冊使賜
王銀窠金印印文曰貞元冊南詔印王北面跪受宴
使者出元宗天寶五載所賜王父鳳伽異銀跳脫馬
頭盤數物并指老笛工歌女曰皇帝所賜龜茲樂惟

二人在耳使者曰南詔世荷唐恩當深思祖考子孫
勿替盡忠皇唐王對曰敢不敬使者之命隨遣清平
官尹輔首入謝獻鐸鞘鬱刃生金瑟牛黃氎紡絲越

賤繞倫馬蔚按鐸鞘疑當作鐸稍狀如殘卵有孔旁
段柯古酉陽裸俎云南蠻有毒槩無刃狀如打鉄中
人無血立死言自天而下入地丈餘祭地乃掘得之
云云疑即此鐸稍毒為鐸字之訛槩字本同稍字也
鬱刃鑄時以毒藥並治取莖耀如星者凡十年乃成
因浪人所鑄又名浪劍夷中甚寶之七月又攻吐蕃
並破施蠻順蠻南詔併吞五詔五詔之後不復稱詔
止稱俘其王置白崖城貞元十二年取越賤置軟化
城貞元十四年請以大臣子弟質於朝韋臯却之固

按越賤馬詳卷五
七北產篇

軟字於

南詔異名

請乃盡舍成都遣就學貞元十五年王開白國北方

賤地北今永徒瀾沙白蠻及羅落摩步蠻實之號劍羌

是年王從韋臯再敗吐蕃於鉄橋初王謀擊吐蕃以

澄川即今鄧寧北等城當寇衝乃峭山深塹

修戰備至是吐蕃謀襲南詔王告於臯遣將屯黎州

萬州以應之吐蕃引兵攻萬州臯嚴兵以守別遣將

襲擊降其師吐蕃懼退至鉄橋王令人毒其水吐蕃

人馬多死退屯至瀘水王與臯部將杜毗羅擊敗之

貞元十六年王率子尋閣勸入朝於唐召對延英殿

進奉聖樂舞德宗御麟德殿觀之貞元十七年王夜

絕瀘水斬吐蕃屯卒又合鬼主破之於瀘西吐蕃大

懼欲悉師收萬州以絕南詔王謂韋臯曰吐蕃聲取

萬州實窺雲南請進軍羊苴咩城臯督諸將分道與

王會陳兵深入拔木波城前後凡克城七焚堡百五

十所斬獲無算生擒論莽熟獻於唐并進鎧甲十五

萬臯班師帝遣中使慰撫王王自是比年貢方物唐

帝深禮之馬貞元十九年王封雲南金馬碧鷄二山

之神為景帝建妙音寺塔築大理寺寺峰長城憲宗戊

子元和三年七月王卒唐遣使祭弔在位三十年子

尋閣勸立

尋閣

一作勸覺

又名新襲封南詔王偽謚孝惠王

尋閣勸唐憲宗戊子元和三年即位年三十一歲唐冊勸襲封南詔王賜元和金印憲宗己丑元和四年正月改元應道群臣上尊號曰驃信以鄯闡為東京大理為西京重修曲靖崇真寺寺為晉代所建十一月王卒在位一年子勸龍晟立

勸龍晟

襲封南詔王偽謚幽王

勸龍晟唐憲宗己丑元和四年即位年十二歲唐冊襲封南詔王明年改元龍興鑄佛三尊送佛頂峰寺用金三千兩元和九年晟寇嘉定州有飛天神兵破

銑

之先時節度使杜元穎守成都時時滇兵至嘉定之沐源川忽自驚潰蜀軍獲一夷卒問之云適見遍山神兵一神將長斧坐二鬼上聲若迅雷故爾驚走至是神復現形自後追殺即時死酋長二人蓋嘉定向有飛天神兵廟兩破滇兵者皆此神也憲宗丙申元和十一年晟淫虐失道弄棟節度使王嵯巔弒之時僅十九歲唐命少監李銑祭弔在位七年弟勸利立勸利一作勸利晟襲封南詔王偽謚靖王勸利唐憲宗丙申元和十二年即位年十五歲唐冊襲封南詔王王嵯巔東寇明年改元全義元和十三

按唐書卷一百一十五

年原賞王嗟巔賜姓蒙封太容元和十四年廢王嗟巔赦其罪命敬信三寶為清平官元和十五年又改元大豐重修崇聖寺五月大雨霖龍首龍尾二閣傾除洱河水怪連龍屋塔高十二丈按白古記唐時洱河有妖蛇名薄劫興大水淹城蒙國王出示有能滅之者賞半官庫子孫世免差徭部民有段赤城者願滅蛇縛及入水蛇吞之人與蛇皆死水患息王令人剖蛇腹取赤城骨莖之建塔其上煖蛇骨灰塔名為靈塔在今大理府城南龍尾閣內每年有蛇黨起風來剝塔灰時有謠曰赤城賣硬土今龍王廟碑云洱

和昌中西頭牛向上下文

王段赤城云永昌生兩頭牛穆宗甲辰長慶四年賜利南詔王金印是年王卒於東京在位八年弟

豐佑立豐佑慕中不肯連父名

豐佑石刻作冊封滇王偽謚昭成王

豐佑唐穆宗甲辰長慶四年即位年七歲唐遣京兆

少尹韋審規持節冊封為滇王王遣洪成首等入謝

明年改元保和又改元天啟西僧贊陀囉哆建鶴慶

元化寺先是鶴慶地水潦僧杖刺東隅洩之水中得

樟木刻為佛咒之忽靈遠近名曰活佛按活佛後至

福建莆田林俊為雲南憲副聞之親至寺中將佛火

之得金數百兩入官又毀他寺三百人呼為林劈佛

力名

建帝平倉築鄧川城敬宗乙巳寶曆元年重修大理

崇聖寺塔一名三成先是王嵯巔廣寺基方七里聖僧

李成著賢者建立三塔高三丈佛一萬一千四百

九十銅四萬五百九十觔元和十五年經始至是工

竣塔頂舊有鉄柱款識云貞觀六年尉遲敬德監造

盖寺之建久矣重修雲南東寺塔高一百五十尺西

寺塔高八十尺二寺亦貞觀間將作大匠尉遲敬德

所建文宗丁未太和元年王母出家法名惠海太和

二年用銀五千鑄佛一堂廢道教太和己酉三年僧

夢島造永昌卧佛長丈六六月朔星落如雨命王嵯

巔等寇蜀先是西川節度使杜元穎失士卒心軍逃

入南詔因此知蜀虛實佑遂遣嵯巔等攻蜀陷雋戎

邛三州攻成都止西郛十日掠經書寶貨子女無算

蜀中殘敝并寇梓州蜀州佑上表於唐請誅元穎唐

改雲為南閬鄆府即今雲南太和四年唐貶杜元穎

循州司馬以義成節度使李德裕為西州川節度使裕

至西川建籌邊樓日召習邊事者訪問凡山川險要

南道與蠻相入者國之左西道與吐蕃相接者國之

右不啻身嘗經歷焉乃奏請留北兵以重鎮守修甲

冑備器械索戶二百取一人習戰作雄邊子弟等十

一軍築伏羲禦侮采遠諸城以扼要害復邛徕閬徙
雋州治臺登以奪蠻險令轉邛雅粟以十月而運先
夏而至人不若瘴邊境始安至是使人於佑責歸所
俘太和五年五月佑歸所俘西川四千人於德裕太
和六年佑掠驃國民三千徙之柘東城武宗乙丑會
昌元年佑遣軍將晟君築橫渠道省磨用江至於鶴
柘灌東臯及城陽田與龍佉江合流入於河謂之歸
浪江又瀦點蒼山玉局峰頂之南為池謂之高河又
名馮河更導山泉共洩流為川灌地數萬頃民得耕
種之邠會昌六年九月佑攻陷安南經畧使裴元裕

死之宣宗丁卯大中元年佑妃卒佑鬱鬱不樂臣下
請選妃女備後宮得羅部今雲南府一美女進之有
寵女好佛建羅次寺至今靈異六月大旱佑令僧壽
海祈雨僧曰昔湯旱七年六事自責天雨七日今王
酒色妄殺天怒不雨王如改悔天雨自至何以祈為
佑如僧言自責自改數日果雨佑女至崇聖寺進香
回至城西為一乘白馬人攝去尋之不得佑造於西
僧贊陀囉哆曰此山神也乃設燈照之果在蒼山
下哆怒欲行法移山於河山神懼獻寶珠供佛佑乃
已大中十二年佑遣段酋遷陷安南都護府遣段宗

時救緬時馮宜今雲南府人佑之勇將先是獅子國侵緬屬求救至是許之其歷代莫考當揮元之時屢敗王師明太祖洪武十年立宣慰司二板南進貢九年使行人司犯他郎甸沐英命都指揮三年平之景東二定邊沐英同都督馮誠平嘉靖初緬火燒賈金牌益中養地緬喜乃擒獻麓川賊嘉靖初緬火燒賈金牌官止三年猓獠海騰越一難制考自永昌府騰越州入緬路一日旬頭一騰越一景市一龍江一蒙日鍋地人列地一旬頭一蒙日景市一龍江一憐路一日旬頭一騰越一景市一龍江一蒙日只一日馬來城辰一日賴當一頭山一越一阿頭一夢一日即至緬城其地有日蒲甘五大王城頭太公二城越下馬來安正蒲甘五大王城頭太公二城越其稱首為卜刺浪緬妻為潑刺官無出入小俱金

坦緯官名見前

銀花寶帶無弓箭其水有金沙江險惡緬特以為固涸時亦僅五里俗敬佛誓憑僧處斷入緬又有三道一由潞西上芒市至麓川此外從潞江上流業渡至芒市有十日餘處皆可通又有三道一由天步馬一由灣旬一由阿郊地界皆通宣宗已知大中十三年陷播州李德裕既貶死西川節度使所任皆非人僥倖邊功發兵十萬龍滇自建昌入佑命子世隆為坦緯同王嵯巔迎戰於古宗橋以北地殺唐兵數萬人立銅柱於界上世隆之母伯妃也出家號師摩矣嘗隨佑至羅浮山白城建一寺南壁畫一龍是夜龍動幾損寺妃乃復畫一柱鎖之始定按妃本漁家女喜浴為妃後仍常

汎舟西洱河屏人潛浴於水感金龍與交生世隆隆
七歲拳握始開有文在其掌曰通卷打漢古宗之戰
唐帝懼世隆為患妻以宗室女伺察其所為女以世
隆年庚潛送於帝帝使太史推之知其感龍精而生
是年豐佑卒於東京在位三十五年子世隆立以王
嵯巔攝政段宗榜救緬回至騰越聞佑卒世隆立嵯
巔攝政移書王嵯巔曰天啓不幸駕崩嗣幼聞公攝
政國家之福榜救緬已敗獅子國緬酬金佛當得敬
迎奈國中無人惟公望重矚抵國門之日煩親迎佛
與國增光云云嵯巔不知其謀至日迎之榜令巔拜

佛哭斬之於佛前討其殺勸隆晟之罪也榜鎔佛得
金數千兩時有緬人奉香火者在旁默祝曰願世代
奉敬今不如願惟願世尊轉生滅彼國祚後果生鄭
買嗣篡國滅蒙氏

世隆唐書作偽謚景莊皇帝借稱帝始此以後
鄭趙揚段高五姓
之國咸效之

世隆唐宣宗已卯大中十三年即位年十六歲明年
為懿宗庚辰咸通元年改元通極改西京曰中都東
京曰上都先是德宗貞觀間西川節度使韋臯開道
通南詔令歲入貢異年尋尋閣勸二世事唐唯謹迨

勸龍晟及豐佑數數擾邊大為唐患又以世隆之名
 犯太宗玄宗廟諱唐不冊封隆益懷怨望至是自稱
 皇帝遣兵取烏蠻爨蠻之地置東川郡前節度使杜
 宗變韋臯制度侵擾蠻中隆絕朝貢寇播州至是李
 福為節度使隆遣清平官董成至成都移書於福成
 與福抗禮福因之上聞有詔釋成召至京師見便殿
 遣還咸通二年遣兵陷安南左僕射同平章事杜悰
 言西川兵弱南詔強盛未可輕絕宜遣使祭弔諭令
 改名行冊禮帝肯之會隆復寇嵩州遂止咸通三年
 隆親寇蜀取萬壽寺石佛歸時高真寺僧崇模有神
 術從征軍中乏糧又值歲暮士卒思歸僧咒沙成米
 咒水成酒士卒各醉飽一日僧化蝶回國亂宮世隆
 妻以書達隆隆荅曰妖若再來令宮人於其衣背綉
 蝶後僧復至宮人綉之隆見僧衣有蝶命斬之刑七
 序首不殊僧自云用茅鋸之乃斷果然人見僧魂化
 一黑鵬飛去蓋僧本高真寺鵬巢中所得之兒也咸
 通四年寇西川咸通五年陷安南邕管咸通六年陷
 嵩州咸通七年復攻安南嶺南西道節度使高駢救
 之隆兵大敗駢遂定安南咸通十年隆遣使楊酋慶
 等入朝謝釋董成之囚歸成都俘三千人定邊節度

刑七序首

使李師望殺其使隆怒率衆攻蜀陷嘉州咸通十一年正月陷黎州入邛崃關圍雅州擊邛州遂進攻成都次蒼州西川節度使盧耽畏衆寡不敵通事使請降繼而唐遣東川節度使顏慶復大將宋威等率兵來戰世隆敗屯星宿山宋威戍沱江隆迎戰於毗橋不勝趨沱江中伏城中又出哭將夜火隆營奪昇仙梁隆大敗奔雙流江無梁以渡乃偽請和三日梁成而濟咸通辛卯十二年立鄯闡王宮咸通壬辰十三年於白崖諸葛武侯所立鉄柱之地鑄天尊柱高八尺蔚昔年曾至鉄柱宮其地界白崖瀾渡蒙化三境之間其柱間刻字云建極十三年歲次壬辰四月朔庚子十四咸通十四年攻黔中又寇西川作浮梁日癸丑建立咸通十四年攻黔中又寇西川作浮梁濟大渡河防河兵馬使黃景復伏兵半渡擊敗之會隆國中新兵繼至接戰景復敗走隆進兵陷黎州入邛崃關遂遣王保誠等四十人謾書詣劍南節度使牛勣欲假道入朝請憇蜀王故殿勣囚其使三十八人釋鄮隴及段首邊二人還隆乃退兵至新津而旋僖宗乙未乾符二年攻雅州西川節度使高駢追至大渡河大敗之俘首長五十人收復黎州邛崃關斬黃景復以徇乾符三年遣使詣高駢請和不許斬使者一人隆怒自是唐使至不拜惟拜和尚駢知之乃

遣僧景仙往諭公主事隆乃下拜定盟僖宗丁酉乾符四年二月復寇蜀高駢禦退之駢又結吐蕃尚延心嗚未魯稱月等為間築城戎川馬湖沐源川大渡河三城列屯拒險料壯卒為平夷軍世隆氣奪曰志發疽卒於越萬景淨寺在位十八年子隆舜立

隆舜一名法改國號曰大封民國偽謚宣武帝

隆舜唐僖宗丁酉乾符四年即位年十七歲明年改元貞明又改元嵯耶承智大同改國號曰大封民國遣使於唐請和詔許自之勸龍晟至世隆以來侵蜀伐安南用兵五十餘年帑藏不給橫斂於民上下俱

困舜立耽於酒色委政臣下故願求和於唐乃遣段峴寶詣嶺南節度使辛儼請修好儼奏許之以息邊患乾符六年遣使於唐求和親無表只用牒稱弟不稱臣唐帝召百官議禮部侍郎崔澹曰南詔無禮恐貽後笑使者上書與澹爭帝諭解之議者謂中國多故南詔寔強不若權與和親便從之僖宗庚子廣明元年春正月唐命宗正少卿李龜翰來和親僖宗辛丑中和元年上表諫附中和癸卯三年唐以宗室女為安化長公主妻隆舜僖宗乙巳光啓元年遣宰相

趙隆眉清平官楊京鯤段義宗三人朝唐帝行

迎公主高駢在淮揚飛章上言三人南詔心腹宜止而醜之唐帝從其言隆替等死南詔遂不復振矣是年崑崙國進美女舜璧之光啓二年地震龍首龍尾二閔三陽城皆崩昭宗丁巳乾寧四年隆舜多內嬖常信諛以誅其下淫虐日甚豎臣揚登弒之於東京在位二十年子舜化貞立

舜化貞偽謚孝哀帝

舜化貞唐昭宗丁巳乾寧四年即位年二十一歲明改年元中興上書於唐朝廷欲報之利州刺史王建上言臣在西南彼必不敢犯塞小夷何足辱詔書遂

止昭宗光化二年立五學教主十一月誅揚登族其

家光化庚申三年鑄崇聖寺丈六觀音清平官鄭買

嗣合十六國銅所鑄蜀人李嘉亭成像一說唐天寶

僧募造丈六觀音像未就夜忽雨旦視之銅也即取

以鑄像像成白光彌覆凡三日夜至今人稱為雨銅

音唐昭宗壬戌天復二年舜化貞卒一說實鄭在位

五年時化貞有一子生甫八月鄭買嗣主國事遂啓

貞妻曰母后深宮羣臣無主臣當抱太子臨朝貞妻

是其言以子付之買嗣抱子出潛手傷其陰子哭不

已乃送回宮中明日子死貞妻疑而詰之買嗣懷不

安遽起兵殺蒙氏親族八百人於五華樓下遂篡位



立馬

按蒙氏南詔大蒙國自細奴邏禪立起唐太宗已酉貞觀二十三年訖昭宗壬戌天復二年傳十三世共二百五十五年

大長和國傳三世

鄭買嗣又名偽謚聖明文武威德桓皇帝

鄭買嗣又名景唐雋州西瀘令陷南詔臣蒙氏為清平官鄭回之七世孫隆舜時歷官侍中權勢日重隆舜巡幸無度留嗣守國遂專政柄舜化貞時為相化貞卒嗣賊殺其子篡蒙國於唐昭宗壬戌天復二年

十二月即位年四十二歲國號大長和仍都大理明年建元安國後梁太祖開平丁卯元年建普明寺開平三年鑄佛一萬尊送寺祈福為殺蒙氏八百人故也開平四年八月買嗣卒在位八年子仁旻立

仁旻偽謚肅文太上皇帝

仁旻後梁太祖庚午開平四年即位年二十二歲明年改元始元又改元天瑞景星安和貞佑初歷末帝甲戌乾化二年旻攻蜀蜀高祖王建發兵拒之旻兵大敗溺水死者萬餘人後唐莊宗癸未開光元年施宮寺災僧智照撰封民三寶記同光二年旻以朱髻

白馬求婚於南漢劉龔龔以增城公主妻之明宗丙
戊天成元年八月仁旻餌金丹躁怒常殺人遂暴卒
在位十六年子隆亶立

隆亶 偽謚恭惠帝

隆亶後唐明宗丙戌天成元年即位年十二歲明年
改元天應明宗戊子天成三年東州節度使楊干貞
入朝弑隆亶而立趙善政計亶在位二年

按鄭氏大長和國自買嗣篡立起唐昭宗癸亥
天復三年訖後唐明宗戊子天成年傳三世共
二十六年



大天興國一作興源國一世

趙善政 偽謚悼康帝

趙善政後唐明宗戊子天成三年為東川節度使楊干貞所立改國號曰大天興國建元尊聖善政寧北佞逸塲人微時樵於山中倦卧夢神告曰柴有矣覺而果得柴數十束後告其母母不信間一日母潛往山中果然及仕鄭氏為清平官出行途中天墜一石於前石裂有善政為天子五赤字於是揚干貞竒之乃殺隆亶而擁立明馬宗已丑天成四年善政待干貞恩禮與隆亶比干貞有所請乞輒不許干貞特功怨望遂賂結諸臣廢



善政而自立善政在位僅十月

大義寧國 一世

楊干貞 偽謚肅恭帝

楊干貞於後唐明宗己丑天成四年奪大天興國趙善政之位改國號曰大義寧國建元興聖又改元大明干貞菽村人今大理府賓州所屬地母后彌承有美色蒙隆舜私焉有孕適漁人楊氏生干貞後又生詔其父捕魚貞立舡頭見水中有人龍衣冕冠左右有鳳鳥白光擁獲乃呼其父視之父見是貞之影大奇之長仕鄭氏官至東川節度使至是奪善政位而立自貞在

位貪暴特甚中外咸怨後晉高祖丁酉天復二年通海節度使段思平起兵討之貞遣弟楊詔等五人出拒詔兵大敗干貞出奔思平遂得位尋赦其罪廢為僧計貞在位八年

大理國 傳十四世

太祖聖神文武皇帝

段思平其先武威郡白人世為南詔蒙氏將唐元宗辛卯天寶十載及甲午天寶十三載唐再伐雲南雲南王蒙閣邏鳳命世子鳳伽異大將軍段儉魏迎戰於點蒼山及西洱河兩敗唐兵以功陞儉魏為清平

幕覽見上稱謂官制篇

按今北地屬南詔時初在北方縣又稱成信縣曰又曰

官賜名忠國尋拜相六傳而至思平其母曰過江水汎觸浮木若有感而娠生思平拜其弟思良思平為幕覽覽將小府副常遊山中得為帝之識又每多異徵時東川節度使楊平貞之弟楊詒者已貴聞而忌之使人賊思平思平逃匿於崇恩寺在大理府城南九里捕者追至見蛛網盈寺門不入故得脫後積戰功仕為通海節度使後唐明宗己丑天成四年楊平貞奪趙善政之位受詔之譖常欲除思平平卜於秀山神祠就其舅爨判自匿後晉高祖丙申天福元年干貞索捕思平甚急會善巨守高方素與思平善密遣人招思平

思平與其弟思良軍師董迦羅走就之皆裂冠變姓名為獵者牽一犬至品甸波大村今大理府雲南縣地宿旅舍舍有戟生牛革裹之是夜風起戟忽洞革出思平驚曰是何銛利得非神戟乎問主人曰戟何為曰以防夜耳曰防夜莫若犬遂以犬易戟去行至葉鏡湖在雲南縣地得神馬饑取野桃而食核中上有蟲啗青昔二字思平解為十二月二十一日意其吉兆於是急趨而前借兵於東方黑爨松爨三十七蠻部會於石城今曲靖以董迦羅為軍師兵集之期適十二月二十一日也所向皆克遂進攻大理府討干貞時詔等陳

按滇載云思平夢人斬其首又持玉鏡耳缺又持鏡破懼不敢進其軍師董迦羅曰三夢皆吉其也公為大夫夫去首為王天子來也王謂吉耳王王著此也鏡中有對此人則無敵三村夕日吉此思平乃法

豆橋

兵據橋軍不能過思平夜忽得三夢人無首瓶無耳鏡破覺而告其下迦羅解之曰人乃丈夫去首為天王玉瓶去耳為玉鏡破則無對者此神示吉兆是日有被纓浣沙婦指渡處曰人從我江尾馬從三沙矣爾國名大理從之乃得過江擊詔等殺之干貞聞詔等軍敗出奔思平即位時天福丁酉二年也年四十四歲建號大理國建元文德仍都大理天福三年封董迦羅為相國封高方為岳侯分治成紀豆橋等地封夔判為巴甸侯祠秀山神免東方三十七蠻部從役赦國中凡有罪無子孫者天福四年赦楊干貞罪

廢為僧一說干貞敗後挈其妻子奔永昌郡思平遣兵追之至萬箭樹干貞自縊俘其妻子親屬帝好佛歲歲建寺鑄佛萬尊後晉出帝甲辰開運元年帝崩在位八年子思英立

文經皇帝

思英後晉出帝甲辰開運元年即位明年為出帝開運二年改元文經帝母楊氏桂仙娘歿而為神屢著靈應封為榆城宣惠聖國母是年帝叔思良爭立廢帝為僧法名宏修大師在位一年叔思良立一說思肖思平在日常欲廢之不果迨即位愈淫戲無度群臣廢之而立思良

聖慈文武皇帝 太祖之弟

思良後晉出帝乙巳開運二年即位明年改元至治
後周太祖壬子廣順二年帝崩在位七年子思聰立

思聰 偽謚至道廣慈皇帝

又改元廣德宋太祖乙巳開寶二年思聰卒在位十
七年子素順立

按漢載此思聰立
改元三曰明德廣德聖
德

素順

素順宋太祖乙巳開寶二年即位明年改元明政先
是宋太祖丁卯乾德五年春王全斌平蜀還京師請
取雲南負地圖進太祖鑒唐之禍以玉斧畫大渡河

為界曰此外非吾有也由是段氏得據南詔相安無
事太宗乙酉雍熙二年素順卒在位十六年子素英
立

素英 偽謚昭明皇帝

素英宋太宗乙酉雍熙二年即位明年改元廣明又
改元明應明聖明統明治太宗至道二年述傳燈錄

明統漢載此作明德

真宗已酉大中祥符二年素英卒在位二十四年子
素廉立

素廉 偽謚宣肅皇帝

素廉宋真宗已酉祥符二年即位明年改元啓明真

按漢載此素廉改元二
曰明君曰乾興此亦不
合又稱偽不立

宗壬戌乾興元年素廉卒在位十三年姪素隆立

素隆 偽謚秉義皇帝

漢載祀作改元的通

素隆宋真宗壬戌乾興元年即位明年改元明道仁宗丙寅天聖四年素隆禪位為僧在位四年姪素貞立

素貞 偽謚聖德皇帝

素貞宋仁宗丙寅天聖四年即位明年改元正治仁宗辛巳慶歷元年素貞禪位為僧在位十五年孫素興立

素興宋仁宗辛巳慶歷元年即位明年改元聖明又改元天明素興性好遊狎廣營宮室於東京多植花草於春登堤上種花黃名繞道金稜雲津橋上種白花名縈城銀稜每春月挾妓載酒自玉案三泉湖為九曲流觴男女別坐闢草簪花晝夜行樂花中有素馨者以素興愛之故名又有花遇歌則開有草遇舞則動興令歌者傍花舞者傍草蓋亦花草之妖也仁宗甲申慶歷四年素興在位荒淫日甚國人廢之而立太祖曾孫智思之子思廉計興在位三年

素興 偽謚天明皇帝

思廉 太祖元孫偽謚興宗孝德皇帝

按今安南即古南交地唐屬
交州郡漢平定南越國
九三曰南三郡自秦及唐皆
入交州郡國五香土產香成
美始於其地後劉宋一相
封為交趾國王元者新羅國
定交趾及封於此為安南
建交趾布政司轄府七州四
土縣五十七其注出府欲
州七縣五廣源州其七州一也
詳安南志里及激江嚴氏流
想洋附輯要古七州亦云
篇

思廉宋仁宗甲申慶歷四年即位明年改元保安又

改元正安正德保德仁宗壬辰皇祐四年廣源州交

趾諫蠻儂智高反郎州偽號大南國自稱仁惠皇帝

山府儂元啓歷九月宋以樞密副使狄青為荆湖宣撫使

督諸軍討之十二月狄青至廣南合孫沔余靖之兵

進次賓川皇祐癸巳五年正月狄青至邕州今廣西

上元節破崑崙閩在南寧府城東二百大敗儂智高

兵智高燒城遁合由江口入大理思廉殺之函首送

京師至是段氏始聞於中國仁宗嘉祐八年命岳侯

高智昇討楊允賢克之加智昇太保封德侯賜白崖

若甸之地尋晉封鄯闡侯子孫世襲神宗乙卯熙寧

八年思廉禪位為僧在位三十一年子廉義立

廉義 偽謚上德皇帝

廉義宋神宗乙卯熙寧八年即位明年為丙辰熙寧

九年改元上德遣使入貢於宋熙寧十年又改元廣

安作八龍王會神宗庚申元豐三年揚義貞殺廉義

而自立計義在位五年

揚義貞

揚義貞宋神宗庚申三年殺其主廉義而自立篡

位僅四月鄯闡侯高智昇命子清平官昇泰起東

按漢載祀云揚義貞
篡自立自稱廣安皇帝
凡四年云云按四年
當以乙卯四月為正

揚義貞宋神宗庚申三年殺其主廉義而自立篡
位僅四月鄯闡侯高智昇命子清平官昇泰起東

...

嬰燹兵討而誅之。庶立義之姪壽輝。

壽輝 偽謚上明皇帝

壽輝宋神宗庚申元豐三年即位。明年為神宗辛酉元豐四年。改元上明。以高智昇為布變。高昇泰為鄴閹侯。是年日月交晦。星辰晝見。壽輝曰天變。遂禪位於思廉之孫正明。計輝在位一年。

正明 思廣之孫偽謚保定皇帝

正明宋神宗辛酉元豐四年即位。明年改元保定。又改元建安。天佑宋哲宗甲戌紹聖元年。明在位十三年。為君不振。人心歸高氏。群臣請立鄴閹侯高昇泰。

為君正明遂禪位為僧。而段氏中絕矣。

按段氏大理國自思平建立後。晉高祖丁酉天福二年。訖宋哲宗甲戌紹祖聖元年。傳十四世。共一百五十八年。

大中國

高昇泰 偽謚富有聖德表正皇帝

高昇泰宋哲宗甲戌紹聖元年受大理國段正明之禪即位。改國號曰大中國。明年改元上治。昇泰岳侯高方之裔。大理點蒼山蓮花峰下芒湧溪人。將生其父龔岳侯智昇石雲寺在點蒼山進香回遇一叟云

按布變官名也詳前官制條



爾家將生貴子可速歸智昇至家而昇泰適生心頗異之及長有材器仕為清平官兼九夾之事譽望日重思廉出遊猝遇烈風吹路其馬廉將墜智昇躍前扶之廉德智昇賜以宮人及珠玉楊允賢叛廉命智昇討之以功加太保封德侯旋晉鄴閹侯世龍及楊義貞篡逆智昇命昇泰起東方兵誅義貞而立廉義之姪壽輝輝以智昇為布燮昇泰襲鄴閹侯輝在位災異迭興曰禪位於思廉子孫正明明為君亦不振人心歸高氏遂請昇泰為君而正明禪以位焉哲宗丙子紹聖三年昇泰在位二年寢疾遺命曰我之立

因氏國段之弱我死必以國仍還段氏慎勿背我及卒其遺命還位正明之弟正淳段氏復興號後理國高氏相之政今皆出其門國人稱為高國主段氏擁虛位而已

後理國 傳八世

段正淳 大理國正明之弟 偽謚中宗文安

皇帝

段正淳宋哲宗丙子紹聖三年復得國即位號後理國以高泰明為相國執政柄高泰運為柵主明年改元天授又改元明開天政文安赦徭役築楚雄城今

高泰運漢我記作高太連
改元明開漢我記作開明且云天政

楚雄府城西北二里以封高泰明之姪高明亮。徽宗癸未崇寧二年，使高泰運奉表入宋，求經籍，得六十九家，藥書六十二本。鄯州李觀音得來朝，進金馬杖八十節，人民三萬三千戶，淳賜得八章禮衣，龍頭劍，擢為安東將軍。對撈蒙氏時有安東將軍李專珠所築緬人波斯崑崙三國進白象及香物。十月，彗見西方。大疫徽宗戊子，大觀二年，正淳禪位為僧，在位十二年。子和譽立。

和譽又名正嚴封雲南節度使，大理國王偽謚憲宗宣仁皇帝。

漢載記五四元四三
文治三

和譽宋徽宗戊子，大觀二年即位。明年改元日新，又改文治。永嘉保天，廣運。七月中元節，各方貢金銀羅綺珍寶，犀象萬計。牛馬遍點，蒼徽宗辛卯，政和元年，地大震，損十六寺，三十七蠻部叛。高相國泰明討平之，使四子高明清居鄯州鎮守。政和五年，緬人進金花犀象。政和六年，遣儒官鍾震、黃漸，賁勅褒高泰明相國忠貞，封平國公。是年，遣使入貢於宋。高泰明卒，封國師。泰明生八子，高智昌以罪流死。其下尹何二人謀為報仇，乘譽入寺進香，圖弒逆事露，被收。譽嘉二人之義，赦之，欲賜以官，二人不從，願死以風後人。

譽不得已殺之為立義士塚高泰運立主國事六月三日並出政和丁酉七年命子紫琮充進奉使入貢於宋詔遣使冊封譽為金紫光祿大夫檢校司空雲南節度使上柱國大理國王徽宗己亥宣和元年正月彗出慕寧遠矣破馬等叛三月出師征之兵敗十月七蠻部復叛陷鄯聞高明清死之羣臣以高昇泰姪高量成有德請立為相號中國公徽宗丙午靖康元年五月金星八月大火焚三千九百家南宋高宗丙辰紹興六年王遣使貢象馬於宋廣西經畧安撫使奏之詔護送行在優禮答之紹興十六年三月十四

日大霧歷二十四日方開高宗丁卯紹興十七年王年老因諸子內爭外叛遂禪位為僧在位三十九年子正興立

正興又名偽謚景宗正康皇帝

正興南宋高宗丁卯紹興十七年即位明年改元永貞又改元大寶龍興盛明建德高量成讓相位與姪壽貞退老楚雄城人化其德名城曰德江城孝宗癸未隆興元年三月壽貞卒壽昌立為中國公孝宗壬辰乾道八年四月重霧十六日方開正興禪位為僧在位二十五年子智興立

智興 偽謚宣宗功極皇帝

智興南宋孝宗壬辰乾道八年即位明年改元利貞
又改元盛德嘉會元亨安定遣李觀音得等至廣西
橫山砦在今廣西南寧府江上求市馬李觀音得奪壽昌位與
姪貞明阿機起兵奪貞明位還壽昌貞明遂據鶴慶
號明國公偽謚義地威天聰明仁帝高妙音自白崖
起兵據鄯闡時有妙音之甥成賢成正二人來謁意
在奪鄯闡妙音覺之與之盟於天王廟二人口含丁香
葉出廟吐之曰盟非我也葉也未幾二人起兵方
戰見白馬將斬之白馬將乃廟中二力也士光宗庚

戊紹熙元年脩十六寺寧宗乙卯慶元元年脩龍首
龍尾二閔三陽城寧宗庚申慶元六年智興本在位
二十八年子智廉立

智廉 偽謚享天皇帝

智廉南宋寧宗庚申慶元六年即位明年改元鳳曆
又改元元壽使人入宋求大藏經一千四百六十五
部置五華樓寧宗乙丑開禧元年智廉本在位五年
弟智祥立

智祥 偽謚神宗皇帝

智祥南宋寧宗乙丑開禧元年即位明年改元天開又

改元天輔仁壽征三十七蠻部至尋甸平河水絕流
理宗丁酉嘉禧元年封高隆鄩闡王以高泰祥為相
國以光日為演習大府主舉賢育才時和年豐稱治
焉國理宗戊戌嘉禧二年智祥禪位為僧在位三十三
年子祥興立

祥興 偽謚孝義皇帝

祥興南宋理宗戊戌嘉禧二年即位明年改元道隆
理宗甲辰淳祐四年蒙古兵出靈閣伐大理祥興遣
將高禾迎戰禾敗死之段連祐歸宋宋遣使弔祭致
經書銀緞為高禾拒蒙古兵戰歿也理宗辛亥淳祐

十一年為蒙古憲宗蒙哥之元年祥興卒在位十三
年子興智立

興智 贈天定賢王

興智南宋理宗辛亥淳祐十二年即位明年改元
利正又改元興正天定是年南宋理宗壬子淳祐十
二年為蒙古憲宗之二年七月丙午太弟忽必烈等
奉憲宗命伐大理受制專征以大將兀良合台總督
軍務八月次臨洮由六盤踰吐蕃凡行山谷二千餘
里無人之境先遣王律朮王侯王鑑來諭大理道阻
而還九月次忒刺分三道進兀良合台率西道兵由

晏當路諸王抄合也。只烈率東道兵由白蠻忽必烈率勁騎由中道。乙巳至滿陀城。留其輜重。十月過大渡河。十一月至白蠻打耶砦。十二月再遣三使入大理。招興智皆被殺。智命相國高泰祥守金沙江。與蒙古將伯顏不花、虎兒敦等相持。忽必烈命衆以革囊潛濟江。破吐蕃陟摩菽。出石門。所過降之。遂進薄大理。泰祥回軍奉興智拒戰。不勝。蒙古兵入上關。智奔鄯闡。泰祥退至統夫邏。先是為姚安府。裁募兵於今為姚州。屬楚雄府。三十七蠻部未至。而蒙古兵已長驅而入。泰祥被執。至大理。不屈。乃斬於五華樓下。祥臨刑。嘆曰：段運不

回。天使其然。為臣殞首。蓋其分也。時白日正午。忽雲起。雷震。天鼓大鳴。忽必烈曰：忠臣也。泰祥夫人段氏抱孩兒高瓊、高長壽等。伸訴。忽必烈目兒願左右曰：此忠臣後。宜善視之。許以世其官。高泰祥為大中遂國昇泰九世孫。遂滅段氏而有其地。得五城八府。蠻部三十有七。乘入吐蕃。降其酋。明年南宋理宗癸丑寶祐元年。為蒙古憲宗之三年。忽必烈班師。大將兀良合台拔鄯闡。獲興智以獻。憲宗命赦之。封為摩訶羅嗟。管領八方。仍守其地。世襲總管。計興智在位二年。憲宗授兀良合台銀印。加大元帥。還鎮大理。以劉時中為宣撫使。與

興智同安輯焉南宋理宗庚申景定元年為蒙古世祖忽必烈之中統元年興智率其季弟段信苴福北行朝於世祖道卒計為總管又七年蒙古遣使來祭弔文曰段氏承八姓正位歸有新統既順天時以向義猶得國王以棲實國家待遠邦之仁亦賢王能左右之義受命以來朝夕惕勵賴爾維勤用征不諛正當共享享嘉之運胡意遽罹霜露之灾嗚呼當朕未集大統乃為叔季之國茲既承景運合正君臣之稱恭錄不替於子孫詔祿宜昭於典冊特遣太常省祭贈為後理國向義天定賢王段公尚賴神庥永保祚

向事白於不脫視
西京月脫字

土所贈王爵後不為例明南宋理宗辛酉景定二年為蒙古世祖中統二年世祖勅授王之弟信苴日段即實總管守大理命之曰向率我以臨爾境眾據國人之請因從城下之盟款附而忠勤益著庸示至優之禮以彰同視之仁可革帝號錫以虎符總領大理鄯闡威楚統天會川建昌騰越諸郡撫卹已附之民招集未降之國卿其勉之

按段氏後理國自正淳復國起宋哲宗丙子紹聖三年訖南宋理宗癸丑寶祐元年傳八世共一百五十七年



內政部 第一

總計段氏大理後理二國傳二十二世三百十
五年

南詔野史

下卷

明四川新都楊

慎升菴編輯

大清湖南武陵胡

蔚羨門訂正

段氏總管

除天定賢王段興智受封總管七年外

起段信苴日

即段實

訖段世共襲十二世

段實

又名信苴日

段實於南宋理宗辛酉景定二年蒙古世祖之中統二年入朝於世祖襲總管賜虎符領大理威楚鄯闡統天會川建昌騰越等城自萬戶以下皆受節制南宋理宗癸亥景定四年為世祖中統四年蒙古設大



NATIONAL CENTRAL LIBRARY, TAIWAN, R.O.C.

理都元帥府。命昔撒昔總制鬼國大理兩路。理宗甲子景定五年。為世祖至元元年。妖僧舍利畏結威楚。統矢鄯國及三十七蠻部叛。實討之大破於楚威。統夫安寧等處。又破釋多羅十餘萬衆於洱河海口。南宋度宗丁卯咸淳三年。蒙古世祖至元四年。以皇弟五子忽哥赤為雲南王。鎮大理。至元五年。忽哥赤受命與安南國王討占城真臘。南宋度宗咸淳六年。世祖至元七年。置大理路軍民總管府。南宋度宗辛未咸淳七年。為蒙古世祖至元八年。冬十一月。世祖改國號曰元。雲南王忽哥赤為元帥。寶和丁卯殺。元伐

金齒縹旬降之。分大理三十七蠻部為南北中三路。遣阿魯忒兜宣撫大理。詔諭諸蠻。南宋度宗甲戌咸淳十年。元世祖至元十一年。封宗室脫忽魯為雲南王。命雲南行省平章政事賽典赤建雲南各衙門。妖僧舍利畏復叛。實遣石買等詭為商賈。執贄往見。捷矛縱殺之。梟首於市。元祖賜實白金及金織紋衣。南宋恭宗丙子德祐二年。元世祖至元十三年。授實為大理等處宣撫使。緬甸叛犯永昌。元命納速剌丁賽典赤之長子。後伐之。破砦三百。因天暑還師。復命諸王相吾答兒右丞太卜叅政也罕的斤伐緬。招討使怯

烈先驅造舟於阿若阿禾兩江進拔江頭大公二城
金齒烏蒙皆降南宋帝昺庚辰祥興二年春二月為
元世祖忽必烈之至元十七年宋亡元入主中國以
忽哥赤之子也先帖木兒為雲南王命忙兀魯征八
百媳婦緬敗忽都帖木兒兵詔思播土官田楊二處
兵助討之命征緬官悉聽雲南王節制至元辛巳十
八年實率子阿慶入覲元祖嘉其忠晉大理威楚金
齒等處宣慰使都元帥陞辭復拜為雲南諸路行中
書省叅知政事苗阿慶宿衛東宮至元壬午十九年
實受勅迎征緬師于金齒病卒詔以其弟忠為大理
宣慰使兼管軍民萬戶府賜實為武定公實任職二
十二年

段忠 實之弟

段忠元世祖癸未至元二十年襲是年忠隨元元帥
濶木征芒部兩林蠻及會川等處破賊立功元授忠
為鄯闡酋賜虎符元置邦牙宣慰司於蒲甘城命雲
南王也先帖木兒率招討使怯烈總兵三千往鎮之
忠奉雲南王命伐武定冬十二月忠卒以實之子阿
慶為大理金齒等處宣慰使都元帥佩金虎符封宣
武將軍晉鎮國上將軍尚公主遣歸復授雲南行省

叅政忠任職一年

段慶即阿實之子

段慶元世祖甲申至元二十一年襲至元二十五年以雲南王也先帖木兒移鎮大理進封營王至元二十七年冬十月封皇孫甘剌麻為梁王鎮雲南至元二十九年改封梁王甘剌麻為晉王鎮北邊至元三十年封甘剌麻之子松山鎮雲南至元甲午三十一年世祖崩孫鉄木耳立是為成宗成宗丙申元貞二年置徹里路即車里軍民令與八百犬牙相制秋八百叛命也先不花征之成宗己亥大德三年雲南水西

土官宋隆濟叛貴州知州張懷德戰死雲南行省麻九兒討之追殺賊首撒月斬首五百級慶奉勅征交趾平之入朝帶僧左黎同往適成宗病手疽甚黎以法水洗之立愈帝欲試其術乃掘地窖令八人潛其中擊鼓佯云有怪召黎治之黎行法頃之不聞鼓聲啓窖視之則八人已死帝敬其法封為國師大德四年緬人僧哥倫作亂緬酋執其兄阿散哥也尋釋去阿散乃率其黨殺酋酋次人奔愬京師詔遣薛超兀兒率行省兵討之大德五年金齒八百叛不輸糧殺官吏元命右丞劉深哈剌帶鄭祐等征之劉深協求

水西土婦蛇節金三千兩馬三千匹土官宋隆濟遂
叛圍深等於窮谷中梁王濶濶率兵救解之冬雲南
地大震御史陳天祥諫伐西南夷不報大德七年罷
征八百免右丞劉深官收符印左丞相哈刺哈孫議
深徼名首釁喪師辱國勸帝誅深遂殺之深即往以
兵徧南宋帝曷於謝女峽者大德八年立平雲南碑
於點蒼山順元宣撫宋阿重獲其叛叔宋隆濟朝命
陞職賜衣一襲滇池有蛟化少年淫婦女有神僧趙
伽羅者命黑胡神擒之至暎水見形斬之神即土主
也成宗丙午大德十年羅雄土官阿那龍少叛據越

州在今曲靖府南六十里本唐之悅州其川名魯望命右丞汪惟能討之追
至曲靖斬那龍少是年慶卒弟正襲慶任職四十三
年

段正慶之弟

段正元成宗丁未大德十一年襲正招蒙化山中生
襲入籍元授正為叅政仍大理軍民總管晉寧建盤
龍寺有神僧覺照者段氏族人也號蓮峰遊東山見龍
潭景絕幽勝乃咒龍令徙龍去水涸建寺其地蔚按蓮峯
僧於順帝之至武宗海山戊申至大元年霑益烏蒙
正末入定塔中地大震三日竝出至大二年三月梁王松山有風疾

詔討皇第七子西平王奧魯赤之孫老的代鎮雲南。仁宗愛育黎拔力八達壬子皇慶元年詔罷征八百皇慶癸丑二年冬十月學士李孟奏准開科三年一試時九成殿生芝天下共取士三百名每榜雲南取五名內蒙古二名塞目二名漢人一名以八月十日初場二十三日次場二十六日三場仁宗乙卯延祐二年十一月封武宗子和世珠為周王出鎮雲南仁宗丙辰延祐三年正卒慶子隆襲正任職十年

段隆慶之子

段隆元仁宗丁巳延祐四年襲元授隆為大理軍民

總管延祐己未六年雲南行省奏夷俗凡土官無子即以妻代管請聽之詔曰可延祐庚申七年封甘剌麻孫王禪為雲南王英宗碩德八剌癸亥至治三年進封王禪為梁王封其子帖木兒不花為雲南王是年八月諸王按梯不花索羅月魯鉄木兒等及御史大夫鉄失弒帝於南坡行幄九月泰定帝也孫鉄木兒即位十二月流諸王月魯鉄木兒於雲南泰定四年洱河有水怪牛豬形短項金睛興水為患大理一道人向隆取黃金百鑑隆與之乃以金為索沉於河怪即日徙於浪寧寧河按六詔靈源記云寧河無底

明宣德間有漁人李應捕魚網得金索旋得旋斷一
漁者誠之曰可止矣應貪甚儘曳之索將窮驚其怪
風浪陡作應並舟俱溺至今為患文宗圖帖睦爾庚
午至順元年以豫王阿忒思納失里出鎮雲南諸王
禿堅據雲南叛殺廉訪使自稱雲南王元詔樞密帖
木兒討之發朶甘思等處兵分道進至四川建昌羅
羅斯權尋甸府官曲木集義兵討禿堅敗賊伯忽於
馬龍追至金馬山擒之是年隆以老退閒子俊襲隆
任職十四年

段俊 隆之子

段俊元文宗辛未至順二年襲元授俊為雲南行省
平章烏撒部奏雲南驛輸征甚苦願屬四川奏下叅
政賈敦熙議之是年俊卒族弟義襲俊任職一年

段義 俊之族弟

段義元文宗壬申至順三年襲朝命正授為承務郎
蒙化州知州是年阿容未叛於中慶路義助兵討平
之以功陞叅政九月烏蒙土官祿余寇順元雲南行
省遣都事那海奉詔往諭授余為叅政冬十一月雲
南行省奏國馬每月上寅日給鹽飲之無病因伯忽
叛鹽不給馬多死詔四川以鹽給之是年義卒隆子

光襲義任職一年

段光 隆之子

段光元順帝妥權帖睦爾癸酉元年元統襲朝命止授為承務郎蒙化州知州番兵作亂孟州判官李生等守白崖值高蓬新敗番兵乘勝長驅破河尾關光率兵大敗之斬馘無算河水盡赤為之不流得戰馬甲仗數千光賦凱旋詩曰兩鎖金門百里城神州花木管絃聲齊天蒼嶽叅雲峻界地榆河射月明梵字三千朝唵朗招提八百夜香清恆沙善果心無異何患愚夷治不平元統二年光以先與梁王把匝刺兀

爾密孛羅因分域構隙至是遣張希矯楊生張連等

發兵攻梁王不勝士卒多死希矯等遁歸順帝至元

元年梁王侵大理光自督兵與戰於昆彌山即大理府趙州

南之定西嶺梁王大敗凱還侍翰楊天甫作長壽仙曲上

光云蒙氏鍾王氣駕馭萬乘唐南龍閣對北金鎖東

洱水朝西點蒼四面固金湯江綠春楊柳岸清古雪

霜屏障龍吟梅破玉竹林鶴立菊舒黃四季景如粧

此生誠慶幸有眼觀明玉光大喜設宴謝之順帝辛

巳至正元年玉案山生小赤犬羣走如飛段雄正曰

此天狗星所化大兵壓境之兆經二年方絕又下鉄

兩山石民屋俱穿人值之多擊斃梁王刺殺段氏臣
高蓬先是光令蓬督兵羅那閩梁王使人暗招之蓬
不逆答以詩云寄語下番梁王翁檄書何苦召高蓬
身為五嶽高山主智過六丁縮地公鉄甲鉄盔持鉄
槩花駢花索馭花驄但揮眼前黃石陣孤雲擊破幾
千重梁王忌之乃重賂蓬危人刺殺之順帝至正甲
申四年光卒弟功襲光任職十二年

段功 光之弟

段功元順帝乙酉至正五年襲朝命止授為承務郎
蒙化州知州至正六年木邦夷思可叛元命河南叅

政賈敦熙督師會雲南路兵討之以功為前鋒屢屢
戰克捷叙功陞功為大理總管尋陞叅政至正癸巳
十三年紅巾賊流入建昌旁掠雲南邊地阿次失里
討平之至正十五年三月元竄太師脫脫於雲南中
書右丞哈麻御史袁賽因不花等陷之也十二月左
丞相哈麻矯詔殺脫脫於阿輕乞之地時年四十二
歲天下寃之兩日相盪是年梁王宮中有怪左右啓
王曰盤龍寺僧蓮峰能驅邪王禮請至行法怪息王
喜謝留宮中供養至夜密問之曰今中原紛亂後事
如何僧曰二十年後祚盡矣至期明師果南下至正

十六年黑井有毒龍興水溢井損民居蓮峰寺書鉄符沈井中害息又寧州有虎啣人蓮峰灑淨水限虎遠去明日虎果去七月元以四川廉訪使蒲機雲為雲南諸路廉訪使至正癸卯二十三年三月紅巾賊明玉珍率其黨李芝麻同弟明二等將兵三萬功攻雲南入金馬山梁王把匝剌兀爾密奔楚雄四月梁王發中慶至石碑村紅巾入城梁王聞報感而自詠云野無青草有黃塵道側仍多戰死人觸目傷心無限事鷄山還似舊時春隨命陝西叅政車力帖木兒拒之擒明二於時四方乘機竊發羣盜滿山功乃謀於員外楊智字淵海者同稽於卜卜吉告又得子宗子秀兵至功遂從梁王進兵呂合敗紅巾於閔灘江紅巾收合餘衆再戰殺段氏之驍將鉄萬戶又有江心庄人楊勝力戰死梁王為文祭之曰生於江心為我跋扈我舊不識用備其數能衛社稷春秋與之惟忠惟烈爾則處之噫義重於生必有死丈夫之事識者有幾願氣作山河魂歸蒼洱英傑復生以保我昆裔祭畢而哭一軍感泣是夜紅巾屯古田寺功令人焚寺紅巾亂以鉄騎搗之死者大半追至回澄關又大破之副將謝得功安寧功力戰千人謝得奔中

阿謹漢載札作
阿謹

漢載札作好語我將軍
只恐樂極生悲冤鬼哭
云云無難禁不至時十七
字○且一去無度四方亦
將身外視

慶於夜功謀者拾得一書，乃明玉珍母寄珍書云：自
去後老身平安，征雲南務要得之，兵糧不足，隨後發
來，不可輕回。功聞書，令楊智其易辭曰：自爾去後，老
身不安，臣下亂法，又聞中國人馬入界，非至一處，爾
須急回，遲則難保。大夏天統元年，太后平安書，遂募
亡命者賈書往，有打金箔人陳惠，願行，惟慮老母在
功，許養其母，惠遂往。玉珍得書，揮之去，令回報。迨夜，
玉珍旋軍，功追躡至七星閣，大破其眾。梁王回中慶，
奏陞功為雲南行省平章，以主阿謹妻之一日。王與
謹宴酣，謹歌金指環云：將星挺生扶寶闕，寶闕金枝

接玉葉，靈輝徹南北，東西皓皓中天光，映月玉文金
印大如斗，猶唐貴主結配偶，父王永壽同碧鷄，豪傑
長作擎天手。功久居梁王府，嫡妻高夫人在大理作
詞業，功云：風捲殘雲九霄冉冉逐，龍池無偶水雲一
片綠，寂寞倚屏幃，春雨紛紛促蜀錦，半_牀閒，鴛鴦獨自
宿，珊瑚枕冷淚滴針穿目，好難禁將軍一去無度身
與影立，影與身獨，盼將軍，只恐樂極生悲冤鬼哭，至
正二十四年春，功還大理，至洱海金鷄廟，夫人遣人
適來報生子，功喜作歌曰：去時野火通山赤，凱歌回
奏梁王憚，自冬抵此又陽春，時物變遷今又昔，歸來

阿謹

草色綠無數，桃花正穠。柳荷繁，杜鵑啼處，日如年聲。聲只促人歸去。至正二十五年，功思新婚，欲往梁王所。員外楊智於壁間題詩留功曰：勲高切莫逞英雄，使盡英雄智力窮。竊恐梁王生毒計，龍泉血染慘西風。張希矯亦上書留行，功曰：寶劍豈埋荒土物，耶矯苦留不已。功怒，流矯於順州。順州前明屬鶴慶府，今地名牛聯。遂與夫人別，倍道至中慶。梁王疑之，私議曰：平章此來，得無有吞金馬嘔碧鷄之心。其下有始如功者，復譏構之。王與阿蓋謀，欲以孔雀膽毒功。蓋私洩之，願與西歸，令功周防。功不信，是年滇大旱，人言

定遠有禪僧，連精通瑜伽秘密教，能降龍役鬼。啓梁王，王遣人迎，至僧設壇祈雨，咒畢，鉢中出一小蛇，遂大雨。王喜，酬以金帛。辭役鬼荷擔，行空而去。順帝丙午，至正二十六年春，中原盜蠹起，臨安廉訪使支渭興三懇休，梁王不允。遣使金閭慰賜羔酒。渭興自咏曰：年高才薄忝清流，欲挂朝冠不自由。且喜壯懷無訴，謀從教行道有鳴騶。故園花木無由見，何日干戈定得休。九十春光還欲暮，放懷聊與醉金甌。重午節，梁王宮門外觀射柳，隨侍文武賜宴。支渭興詩賀曰：地平如席草如茵，少將軍酒半醺。朱鬣馬穿人影過，

滇載祀往曰吐噀可
惜也予不好也押不
草蘆乃北方起死回生
草名

綠楊枝逐箭鋒分旌旗色映宮前九鼓角聲飄海上
雲何日鯨鯢俱授首普天偃武共修文七月梁王偕
功東寺講經至通濟橋功馬逸王乘機令番將掖殺
之阿蓋聞之慟哭曰昨燈下吾猶言雲南施宗施秀
二人以烟花殞身奈何不信今果遇害矣命侍女錦
被包之以王禮斂送歸大理作詩輓之云吾家住在
雁門深一片閒雲到滇海心懸明月照青天青天不
語今三載黃蒿歷亂蒼山秋誤我一生踏裡彩錦被
也吐嚕吐嚕段阿奴施宗施秀同奴反雲片波濤不
見人押不蘆花華言起死顏色改肉屏駝也獨坐

細思量西山鉄立華言松也風瀟灑功喪既行阿蓋遂
不食死以殉焉其家負楊智淵海聞而亦死智
臨死詩曰半載功名百戰身不堪今日總紅塵死生
自古皆由命禍福於今豈怨人蝴蝶夢殘滇海月杜
鵑啼破點蒼春哀憐永訣雲南土紫酒還教灑淚頻
功死長子寶自稱平章立於大理功任職三十二年
明洪武間都督馮城經功墓詩弔之曰田橫五百劍
孤身轉眼闌山半委塵北關玉樓召客記南滇粉壁
說詩人蒼山夜黑雲遮月金馬天寒鳥怨
春共惜平章迷綉幕至今愁聽水聲頻

段寶

段寶於元順帝丙午至正二十六年八月因父功為

梁王所害遂自稱平章立於大理是月梁王開科取士以支渭興主試事梁王復聽讒誅鋤段族梁段既結仇數數構兵鶴慶知事楊昇調和二家自金雞廟分界南屬梁北屬段力勸息兵百姓稍寧至正丁未二十七年四月梁王生日羣臣稱賀王宴於昆明池上省憲官上詩曰賢君添算宴嘉賓幄殿先施巨海濱萬里晴天開錦綉一川芳草踏麒麟笙歌暖送金盃酒鎧仗寬圍玉珮人醉飽百官咸稽首願王高壽過千春中慶路土主廟祀梁王重修立碑紀事先是至廟年為耆民楊先所修至二十三年紅梁王欲拜段中入滇陷中慶燬民居廟亦被火

氏遣人刺寶弗得又令章平刺七攻大理皆不克乃遣使通好奏授寶為雲南右丞以和之紅巾復入滇梁王命叔鉄木的罕賁勅借兵於寶寶答書曰殺虎母還鉄虎子分狙栗自詐狙公假途滅虢獻璧吞虞金印玉書設釣魚之香餌綉閨豔女備拏維之網羅况平章已死只遺一奴一嫠奴可配阿瞞妃嫠可配華黎氏二事許諾當借大兵不然金馬山換作點蒼山昆明海改作西洱海兵來矣書後又附一詩云烽火狼烟信不符驪山一舉任枝梧平章杜襟紅羅帳負外空題粉壁圖鳳去岐山祥兆隱麟戕大野瑞光無自從界

限鴻溝後成改興忘不屬吾梁王讀而深恨之是年
明太祖取燕京元順帝北遁元亡明太祖戊申洪武
元年梁王復通好於寶辭甚卑遜寶許之和時有蠻
舍興者自元江攻入鄯闡王懼欲出奔寶以唇齒之
故率兵救之擊走舍興王德寶陞為武定公勅曰段
氏歸附而來忠勤懋著父子秉忠征討克捷乃於戎
馬倥傯之中干戈紛擾之際不第遠朝且兼平亂宜
示至優之數以彰匡濟之勲茲特陞寶為武定公仍
總管大理軍民府爾其不負初心永保世爵以光大
爾赤城於無窮宣光元年勅云云宣光乃故元順帝

太子立於應昌年號也太祖洪武辛亥四年寶降於
太祖上奏云臣聞有天下者為天下之主有列土者
為列土之君卑臣寶雖隔萬里之遙每切中原之向
大理有二帝三皇之後一方九姓之傳漢晉六朝以
來大蒙國受封於前唐殘唐五季而終二理國繼守
於兩宋臣祖思平等恪共藩服貢禮屢修於中土華
風遠暢於邊隅迨至故元不尚仁義專暴殘順帝已
遁北方梁王猶禍鄯闡逆聞明主奉天承運御極南
京中原太平邊徼寧乂意者中國有聖人履堯舜之
正統陋漢唐之淺圖天時人事然也或命臣依漢唐

故例歲貢天朝或做元代職名俾守舊土庶深谷回
 賜幽局照日八方浴德六合同春垂憐邊境救卹一
 亦欲修進貢恐觸明威合待事體之定專候聖旨之
 頒謹此專差段貞王伯鵠馳奏以聞太祖詔諭答之
 洪武五年寶女兄名羌娜小名僧奴又名寶姑者適
 建昌土官阿黎先是羌娜綉一旗至是將嫁以旗付
 寶屬曰母語我云爾父為梁王所害必當報仇惟望
 爾輩長大我聞母言故綉此旗已五年矣今我嫁至
 夫家收拾建昌東川軍馬飛報若到汝急來應慎勿
 違焉臨行又以二詩別寶云珊瑚鈎起出深閨滿目
 潜然淚溼衣冰鑑銀臺前長大金枝玉葉下芳菲烏
 飛鬼走頻來往桂秀梅香不暫移惆悵同胞未忍別應知
 恨重點低何彼禮兮花正紅香車獨去洱河東鴻飛
 雪岫難經目風刺霜林易割胸雲白天高連水遠月
 新春疊與秋重一作閨裡繡旗寬父淚珠恰似通霄
 兩千里關山幾處逢一作須知恨重蒼山洪武辛酉
 十四年四月國中有巫女歌曰莫道君為山海玉山
 海笑諧諧園中花謝千萬朵別有明主來數日寶卒
 子明襲寶任職十四年

段明

段明、明太祖辛酉洪武十四年四月襲梁王授明為
宣慰使。九月，明太祖命賴川侯傅友德為征南將軍，
永昌侯藍玉、西平侯沐英為左右副將軍，列侯曹正
王弼、金朝興、都督郭英、張銓等率師三十萬征雲南。
帝出餞於龍江。友德至湖廣，分遣都督胡海洋、陳桓
等領兵五萬由四川永寧趨烏撒。友德等率大軍由
辰沅趨貴州，進攻普定，擒土酋安瓚。諸苗蠻犴狁聞
風迎降。十二月，傅友德等兵至普安，攻下之。進至曲
靖，先是梁王把匝剌瓦爾密遣其司徒平章達里麻
將精兵十餘萬屯曲靖，以拒明師。沐英曰：彼謂我師
疲於深入，未有虞心，乃可破也。有德然之，遂倍道進
師。將至白石江，忽大霧四塞，衝霧及江而止。頃之霧
霽，則兩軍相望。達里麻見之大驚，以為神軍飛至，擁
軍陣旋南岫。沐英分遣一軍泝流潛渡，出其陣後，吹
銅角，樹旗幟，為疑兵。山谷間，達里麻急徹陣，後軍以
禦之。岫上軍陣亂，友德等趣師濟江，一湧而度。既濟，
整列進戰，敵眾披靡，生擒達里麻，橫屍十餘里，俘其
眾二萬人。友德悉慰遣之。友德進擊烏撒，分遣沐英
等趨梁王。聞達里麻敗，棄城走晉寧州。忽忽納峇尋
入滇池島中，先縊其妃，自飲藥不死，投水死之。父老

收葬雲南城西三十里淨耳山。土人立廟妙音寺。側後至嘉靖間，拆廟材修社。雲南右丞觀音保以降城。學乃因舊址為小寺祀之。英等入城，秋毫無犯。收梁王金印，並符信圖籍，安撫其民。剋德亦自曲靖循格孤山而北，以應永寧之兵。時元右丞實卜聞胡海洋等進自永寧，乃聚兵赤水河以拒之。海洋等造木筏，夜半濟河，而友德亦至。實卜遁去。友德令將士於烏撒築城，版鋪方具，蠻眾復合，斬首三千餘級，餘眾潰散。遂城烏撒，得七星閣，以通畢節。又克可度河，於是東川烏蒙芒部諸蠻震懾，望風降附。先是洪武壬子五年正月，帝遣翰林待制王禕行叅政吳雲持詔招諭雲南。梁王令奉版圖來，梁王初不從。後有降意，至洪武六年十二月，會元太子愛猷識里達剌立於漠北，使侍郎脫脫微餉於雲南。脫脫覘知梁王有二心，因以危言偪王殺使臣，以絕其念。王遂殺禕父老收屍，葬地藏寺北。吳雲奉使時，會梁王遣鉄知院等二十人使沙漠，為邊將所獲。帝乃釋二十人，令與雲俱行。至沙塘口，二十人謀曰：「吾等奉使不達，被執而還，罪必死。乃說雲令胡服，編髮詐為元使，又偪令改制書，共紹梁王。雲不從，以死自誓，亦被害。梁王遣人收雲骨，葬給孤獨寺。及事聞，

帝震怒故有是役按王禕字子充浙江金華府義烏人建文時賜諡後至正統中義烏縣丞劉棨奏請加奉使雲南死節臣恤典禕賜諡文忠吳雲字友雲江蘇常州府宜興縣人至是年冬十二月弘治中節並祀雲南賜為二忠祠明卒叔世襲明任職一年

段世實之弟明之叔

段世明太祖壬戌洪武十五年襲二月世聞鄯闡破梁王已死又以沐英等兵略尋甸臨安澂江元江楚雄洱海攻第皆下進徧大理乃遣使致書請依唐宋故事奉正朔為外臣友德不聽答書諭令速降凡三致書世怒遂遣都使張元亨州判李洪赴軍前下戰

書畧云鄯闡危甚登天大理險倍投海英如漢武習戰僅置益州雄若胡元設官止於中慶取之易而守之難莫若依吾請乞冊封定為進貢始為良策吾實武人不通經史前代得失則靡聞也恭惟麾下振耀皇威功不亞於孔明才克比於方叔滌山川之舊染歷代所來有也况吾與爾既無殺父之仇又無財債之怨無故交戰真乃不祥爾屯威楚彼虛之民有何罪焉若耗人之食是絕其命取人之財是剗其心擄人妻女是亂人倫則吾之應不得已也爰念爾等皆中國之人其中豈無一二達士得此何益不得何損

西南之地號為不毛易動難安今春氣漸暄烜瘴漸起不須殺爾四五月間雨霖河汎爾糧盡氣散十散九死形如鬼魅色如黑漆欲活不能爾之進退狼狽矣莫若乘此天晴地乾早尋活路寧作中原鬼莫作邊地魂爾宜圖之後理國段氏頓首書後繼一詩云長驅虎旅勢威宣深入不毛取暴殘漢武故營旗影滅唐宗遺壘角聲寒方今天下平猶易自古雲南守獨難擬欲華夷歸一統經綸度量必須寬友德英等覽書大怒拘其使左副將軍藍玉等率師迤進兵至品甸世恃田菴和尚有術列兵五萬扼下閩沐英自將攻之不克乃令王弼率兵出洱水之東趨上閩英以兵綴下閩為犄角之勢別遣胡海洋將一軍夜渡從石門間道繞出點蒼山後緣崖而上張旗幟遲明英先驅渡河斬閩而入海洋之師亦從山而下腹背夾攻世眾驚潰拔其城世就擒並執明之二子子苴仁苴義時二月二十三日也於是沐英等分兵取鶴慶嚴江破石門閩蕩金齒所有摩些和泥車里品緬等部相率歸附又略建昌故元平章月普帖木兒降閩二月賜雲南各土官冠帶及誥勅使任本州知州等官四月烏撒東川芒部諸蠻復叛傅友德沐英會兵進

討斬首三萬餘級諸蠻來降雲南悉平以為撒烏蒙
 芒部地近四川分隸之九月土官楊苴等叛糾眾至
 二十萬攻雲南城都督謝然指揮馮誠嬰城固守泯
 英自烏撒移兵討之斬首六萬餘級擒四千餘人諸
 部悉定洪武癸亥十六年二月故元右丞普顏篤同
 土酋高大一作天惠叛據佛光砦蔚按佛光砦即佛光
 人又名一女閭昔諸葛武侯曾擒也先不花叛據鄧
 猛獲於此在大理府浪穹縣東重也先不花叛據鄧
 川州傅友德率兵鄭英討平之又定蒙化州過金沙
 江攻北勝府北今永擒故元平章隔生於是嚴江有巨
 津等州皆平前後斬首一萬三千級蠻民降者四十

萬戶帝遣耿炳文諭傅友德藍玉等班師沐英留鎮
 雲南別命列侯王志仇成張龍分赴尋甸各府繕城
 池立屯堡安輯人民是年械送世拜明之二子苴仁
 苴義赴京世臨行以詩別故人楊朝彥云雄兵一日
 破重閨父子流離瞬息間別後欲知相憶處錦江流
 水綠潺潺洪武甲子十七年四月傅友德等班師至
 京論平雲南功進封傅友德為穎國公胡海洋東川
 侯郭英武定侯陳桓普定侯張翼鶴慶侯藍玉仇成
 王弼張龍等並賜鉄券子孫世襲吳復金朝興先卒
 俱授世襲侯爵鉄券加祿並同餘陞職賜金帛有差

南名

三

著婦女出門携傘障面謂之避嫌宴客切肉拌蒜名曰食生餘同漢人女鑲邊衣以銀花銀吊為飾

蒲人

即古百濮周書所謂微盧彭濮也後訛為蒲質黑烏音男子青布裹頭穿套頭衣膝繫黑膝婦人挽髮為髻腦後戴青綠磁珠花布圍腰短裙繫海肥十數圍帶刀弩長牌不畏深淵或浮以渡婚娶長幼跳蹈吹蘆笙為孔雀舞壻家立標竿上懸絲綉荷包中貯五穀銀錢等物兩家男婦大小爭緣取之得者為勝又有野蒲普蠻樓子蠻等類性尤兇悍男子以布二幅

海肥扶雲南種人國
扶白羅羅婦女椎髻
崇寧志云臨邛市街海巴
錫竹為飾又其雄
志和里羅羅婦女飾以海
肥飾之謂羅羅也
蓋此為羅羅之種也
此作羅羅

結於左脇另用布一副合縫挂身女以紅布搭右肩蔽腰以下今順多此種

楚夷

一名百夷又名擺夷性耐暑熱居多在棘下今瀾滄江外夷人有水旱二種水棘夷近水好浴蕪後髮蓄前髮盤髻如瓢故又名瓢頭楚夷山居耕獵又名漢楚夷男青布裹頭簪花婦女不施脂粉自然白皙盤髮辨紅綠色頭飾以五綵線鬚衣五色衣桶裙綉邊其俗賤女貴男頭目妻數百人庶民亦數十耕織貿易皆婦人任之凡婚娶男女相悅而議聘一成

匹配不肅而嚴如夫婦不睦聽夫付之一物為憑然後改適有邪術能使男子千里不忘其法不外傳也

裸羅

按拜禱雲南種人因作拜禱

饜蠻盧鹿之裔。裸羅其訛音也。以丑月為春。信鬼尚平。巫有大覘。拜禱白馬之神。卜用雄雞兩髀骨。骨有細竅。刺以竹簽。視多寡向背之勢。以定吉凶。其部長妻曰耐得。勇士曰直可。每歲六月二十四日。名火把節。燃松炬照村砦田。椎髻鑷鬚。耳環佩刀。婦披髮短衣。桶裙披羊皮。

白裸羅

一名撒馬都。郎西饜。白蠻知讀書。能文字。舌音清便。名骨漢人見尊長。披羊皮。故嫁女授羊皮一張。短衣革履。胸挂花色。婦人花衣桶裙。青布蒙頭。飾以海貝錫鈴。

黑裸羅

阿者裸羅

男女皆耳環手釧。穿衣短袴。披羊皮。婚娶壻親負女以歸。

阿烏裸羅

性狡好獵。多畜牛羊。每砦設官房一所。婚嫁並集其

中男短衣，女長衣，俱裹頭貫耳，出入帶刀弩。

魯屋獮獪

耕種射獵為生，男短衣木屐，女長裙跣足。

撒米獮獪

居山耕瘠，負薪近水捕魚自給，面多黧黑，男挽髮如
髮，毛褐被毡，佩短刀，女披青布單，短裙長袴，又有魯
兀老烏撒完洒泥阿係等類，服飾風俗畧同。

老牯獮獪

即羅婺，又名羅午羅武，男披髮貫耳，披氊佩刀，穿火
草布衣，女辮髮垂肩，飾以海貝碑磔，穿火草布裙，無

床幃被褥，以松毛藉地而卧。

獮黑

蒲蠻別種，擇叢篁深處，結茅而居，蜂蟲鼠蛤，無所不
食，以蕎稗為上品，又有大獮黑、小獮黑，巖居野處，猿
獮同類。

普特

以漁為業，舟不盈丈，而炊爨特牲畜資生之具，無不咸
備，泗水出沒，口銜手捉，皆巨魚也。今雲南府城西碧
雞山下多有此種。

地羊鬼

亦楚夷類也。短髮黃睛，奸狡嗜利，與人相仇，能行妖術，以木石易人心腎，或以一帚繫衣後，變形為象馬、猪、羊、猫、犬等物，稍畏懼之，即為所魅，入人腹中，食五臟，或潛至人家，偷竊財物，食嬰兒，知者一手捉之，一手痛毆，必復為人，奪其帚，繫之，彼必以家貲之半，勾脫，或有娶其女者，夫每出，必問歸期，即餌以毒，如期而歸，更以藥解，否則毒發而死，交易失信，及私窺其妻女者，必毒之，此種元江州為甚。

窩泥

有和泥、幹泥、哈泥、路彌等名，黑白兩種，風俗畧同，男

戴麥桿帽，穿火草布衣，環耳，跣足，婦女辮髮，數絡，海貝雜珠，盤旋為髻，套衣桶裙，善養猪，其猪小耳短身，大者不過三十斤，肉肥臄，名窩泥猪，婚用媒妁，路遇野獸，則返而他求，嫁則以紅藤束膝為識，勤生，畜用每積貝一百二十索為一窖，臨死囑其子曰：積貝若干，汝取某窖，餘畝我為來生用，死則以雌雄雞各一，狗，又有一種名糯比，與此同，其生者名奇泥，亦名丸黑，^好勇尚聞能咒人使病。

阿昌

一名峩昌，男短衣披巾，單女長衣無袴，腰纏紅藤，占

用竹三十三枝畧如筮儀嗜酒覓禽獸蟲豸生啖之
舊俗兄死弟妻嫂後有羅板砮百夫長早正死其妻
方艾自誓不失節餓而死其風遂革又有小阿昌其
俗畧同。

阿成

男短衣女桶裙以樹皮代丸婚用牛羊至女嫁以水
潑女足為定。

比苴

黠夷別種男耳環革屐女白悅束髮纏疊如仰螺構
樓而居近水極寒猶浴喪尚緋夫死妻不再嫁名曰

鬼妻又有言^白布纏足者名白脚黠夷亦名孔荅萬齒
文身秃者名光頭黠夷額上黥刺月牙紋蓋習車里
之俗所謂雕題也。

黑舖

亦名黑普同窩泥形容黧黑怕見漢人畜山羊作竹
器一切床几橙杙備極精巧。

黑乾夷

男椎髻麻衣耳環垂肩女以毛褐細帶編如^飾節罩首
飾以海貝碑磔衣領亦然婚配男吹蘆^笙女彈口琴
唱和調悅先野合後媒妁。

山蘇

男披髮跣足女椎髻蒙頭語似鳥音形如猿猴潛深
山種蕎麻或工或獵夷中之最苦者

車蘇

亦名扯蘇傍巖臨水男短衣皮鞋女長裙無袴種蕎
稗績線為業以羊毛占晴雨

喇雞

亦名喇記黑布帽白衫好樓居孟春作土主會客至
掘鼠及蝦蟇為敬其在交趾者男善鎗女善弩多充
交兵又有白喇雞男女俱穿五色毳毼食山蟲水蛇

等物

喇五

亦曰喇烏又曰喇魯男如擺夷女如窩泥構樓臨水
而居上人下畜名曰掌房其在騰越州者食巨蟒毒
蟲或取蜂螯食之

獮喇

男插雞尾女裹手^首巾皆披羊皮衣不浣濯婚配先野
合每採蒙肚花^蒙肚花^人蒙肚花^生景東廳今不產矣欲人醉死則
醉採欲人狂死則狂採以毒人又一種在王弄山者
名馬喇

哈喇

男女黑色不知盥櫛婦女紅黑藤纏腰數十圍產子以竹兜盛之負於躬又有古喇杜喇色黑尤甚言語不通畧似人形而已

夏喇

克悍好獵居山巔戶不正出迎屋山開門不留餘粟

卡喇

亦曰卡腊男穿耳挽髮佩短刀女短衣無袴脰著彩色摺袴聚族而居耕種鬻薪

卡情

亦曰卡高性頑鈍喜歌舞男女多野合婚娶通媒妁之日議聘金多至百數娶後子孫猶有代祖父償聘金者

卡瓦

多在順寧永昌二郡辣蒜江外貌醜性惡獵人以祭高賈出騰越州入木邦者必經其地呼為卡利瓦有熟生二種生者剗掠熟者保路

西番

即吐番亦名巴苴居金沙江邊性悍戾善弩男女辨髮百縷不知櫛沐男以藤纏左肘披琵琶氍暑熟不

脫女以海貝、碑磔、磁珠飾於項。又有野西番，不可制。

古宗

一名狃狃，西番別種，皆辮髮百絡。男戴纓，紅穿璠璠，挂銅鈴，佩刀。女飾以珊瑚、銀泡，披腊丸被單，皆穿烏拉鞞。經年一櫛，櫛必牲祭。春夏種蕎稗，秋冬趕牛馬，取牛羊乳酥調油茶而食，名曰餛飩。又有小古宗，喜獵飾酒，餘畧同。

果蔥

冠青而脫耳環，踏履衣尚素。聘用牛，貧不能具者，傭女家三年。

苦蔥

面醜，男麻衣短袴，女短衣桶裙。亦有衣袴相連者，耕山採藥為生，所佩環手箍，自幼至者不釋，死以殉。

摩步

烏蠻別種，性淳樸。烏音男，薙髮戴帽，長領衣，布女高髻，或戴黑漆尖帽，短衣長裙，畜牛羊，產射香，同類仇殺婦女一登場，一勸即止。歲暮殺牛羊相邀，一客不至為恥。今有讀書入泮者。

力安

即獠獠，衣麻披氈，巖居穴處，利刀毒矢，刻不離身。登

山捷若猿猴，以土和蜜充飢，得野獸即生食，尤善弩。每令其婦負小木盾前行，後自射之中盾而不傷婦。以此制服西番，野力夢披髮，揮羽尤克悍。

遮夢

男女皆穿耳，挽髮，喜華彩衣，盤旋蔽體，飲食精潔，長於弓弩，尤善鳥銃。

羯夢子

自蓋養流入，環眼鳥喙，散髮纏藤，耳帶大環，首揮雞羽，無衣袴，腰下以麻布一幅圍之，負弩佩刀，喊聲如犬，又有結夢，耳帶象牙大環，紅布圍頭，衣半身衫，袒

右臂，亦其類也。

拇雞

亦作狎猴，形醜惡，婦女尤甚，椎髻，揮羽，佩刀，負弩，獵食猿狙，見人有畜，思盜，先用雞骨卜吉，則往，否則止。

摩察

亦名木察，束髮，耳環，披氈，佩刀，執木弩，藥矢，獵取禽獸，婦女皂布蒙頭，飾以海貝，長裙細摺，多至二十餘幅，前後無衩，名曰桶裙。

嫚且

男女皆麻衣袴，披羊皮，以丑月為正月，性好飲，男女

皆同。男吹蘆笙，女彈口琴，歡飲竟日。過此，則終歲忍饑，野菜充腹而已。

土人

男絮襖，佩刀。女披氈毳，腰束皮索。飢則繫縛之，婚媾以刀甲為聘。新婦披髮，見舅姑，有爭者，告天，沸湯投物，以手投之，曲則糜爛，直者無恙。

儂人

儂智高部落之裔。男束髮，短衣，女短衣，密扣，腰纏紅裹肚，性克狡，漆齒，出入佩刀，長技在鏡。

沙人

越析夷也，又名蒙雋。男辮髮，長衣，女以桃花白布蒙頭，腰圍紅布，出入佩刀，耕田射獵。所居掌房，喪服用紅，祭肉棄不食。又有黑沙人、白沙人，聘用牛，既婚之，女男女不同室，即回女家，有娘方歸。

獠人

男束髮披氈，女短衣露腹，纏紅藤，腰繫莎羅布裙，上短下長，男女同耕。

狃人

男纏頭跣足，女青布纏頭，畧如僧帽，綴以海貝彩布，衣裙着大尖鞋，構樓而居，甘犬嗜鼠，又有羅緬、麥岔。

普岔查嗎喇毛等類，頑長不一，衣飾風俗畧同。

怒人

居永昌怒江內外，其江深險，四序皆燠，赤地生烟。每至二月，瘴氣騰空，兩隄草頭交結不開，名交頭瘴。男子面多黃瘦，剛狠好殺射獵，或採黃連為生，鮮及中壽。婦人披髮，紅藤勒首，每年貢麂皮二十張，山驢皮十張，黃蠟八十斤，麻布三十疋，以代賦稅。

徠人

鹿江府鶴慶州大雪山外，男女披髮，樹葉為衣，耳穿七孔，墜以木環，與怒人接壤，畏怒人不敢越界。

野人

永昌界外，居無室廬，宿於樹巔，赤髮黃睛，首戴骨圈，挿雉羽，手足腹皆纏紅藤，以幅布或樹皮掩下體，執勾刀，大及捕禽獸蛇蟲生食之，逢人即殺。

老撾

南掌國夷類，戴藤篾墨漆帽，寬二尺許，短衣無袴，用襍色布一疋，從膝下兜繞，圍結胸前，名打抄子。婦女耳貫大黑漆圈，塞以野花。

列密

即利米，刀耕火種，精射獵，得鼠雀生啜之。男篾帽皂

衣女辮髮赤足出外披花布以蔽其身

喇嘛

麗江鶴慶多有之來自西藏招本境摩些為徒有紅黃二教紅弱黃強檀帽褊衫各如其色

苗子

三苗之後有九種黔省最多流入滇中者惟仲家花苗而已束髮耳環未婚者縛指於額或挿雞毛女布冠套頭衣桶裙皆用五絲桃花布為之每歲孟春跳月男吹蘆笙女振鈴唱和並肩舞蹈終日不倦或以絲為毬視所歡者擲之暮則同歸比曉乃散然後議

婚節序擊銅鼓吹吶叭聚賽神書契惟數目字及六十花甲子同餘不同

土獠

其屬本在黔蜀粵西之交流入滇中男首裹青布白衣領綴紅布一方婦人冠紅巾衣花繡性粗犷好盪斲之術其盪夜飛如星光芒搖曳射入窓櫺觸者病交人

安南國之種類男箬笠蕉扇衣裳楚楚婦女面貌頗雅手貫牙釧長衣長裙以紅白蒙頭皆披髮鞞鞋讀書習禮婚喪俱倣中華

緬人

緬甸國流入者有老緬阿丸猛別雍會普幹擺古得
楞子等類長於烏鏡其火藥用麥麵傳之迅疾無聲
又有緬目者稱為莽紀斷髮文身漆齒穿耳蟒衣跣
足頭戴紅緞一方性喜花草

南詔古蹟八十條

王母坪

大理府城西北三里許點蒼山觀音峯蔚按點蒼山
在大理府城西三里許自北而南錦亘百餘里高六
十里橫列如屏內抱如馳弓即漢書所謂邪龍雲南
山似扶風太乙之狀是也山有十九峯中一峯名中
和和似扶風太乙之觀音應樂雪人蘭峯三陽鶴雲白雪

蓮花五台雲弄十一峯中和之南為龍泉玉局
馬龍聖應佛項馬耳斜陽七峯共十九峯十九峯之
下有十八溪中白石靈泉錦溪芒湧陽溪萬化霞移十
溪隱仙雙駕南為綠玉龍溪清碧左支約十畝世傳
莫殘茅漢南陽六溪共十八溪王母曾降於此蔚按有明萬
曆間碑記建祠祀之

爨王碑

雲南府省城十五里碑文云昆明隋西爨王之墓碑
成都閣叩均撰文蜀人賈餘絢書丹

鐵橋

麗江府城西北三百里廢巨津州北一百三十里州
本唐時羅婆九賤地橋跨金沙隋文帝開皇間所置

弛

蔚按唐德宗貞元十年南詔王異牟尋襲擊吐蕃戰於神川取鐵橋等十六城即此

盟石

蒙化廳城北二十里路旁建寧國張樂進求欲讓國於蒙細奴邏邏曰如果我應為君斫石劍入斫之劍果入石三寸名曰盟石

古鏡州城

大理府雲南縣城西北十里唐時所置領夷郎等六縣址尚存

鳳凰臺

大理府浪穹縣北二百步為昔施浪詔施望欠築下

有白沙井亦望欠鑿

地符

大理府趙州白崖石上有篆文赤如丹砂蒙氏以為地符禁人踐污一云在今雲南縣西三里

觀音大士石刻

永北廳城東石壁間唐吳道子畫刻於此

轆角莊

大理府城南二十里南詔蒙閣邏鳳有女欲為擇配女曰擇配非天婚也我欲倒半牛背任牛所之不問貧富貴賤牛入之家則嫁之鳳勉從其請至一委巷

牛側其角而入見一老媪問媪有子否曰有一子往
樵矣女即拜媪為姑嫁其子令報鳳鳳大怒絕女一
日婿問女曰首飾是何物所製女曰金也婿曰吾樵
處是物甚多頃之載歸皆金也女遂懇請讌鳳鳳使
人難之曰汝能作金橋銀路吾當來汝女遂作以迎
鳳鳳歎曰信天婚也遂名其地曰轆角莊言牛入隘
卷角如轆轤轉也

蒙舍城

蒙化廳城北唐玄宗戊子天寶七載勅置陽瓜州於
此封閣邏鳳之子鳳伽異為刺史

南詔德化碑

大理府城南太和村古城閣邏鳳叛唐歸吐蕃立碑
國門外明不得已之故清平官鄭回撰文唐流寓御
史杜光書今剝落矣

雲南府省城

唐代宗乙巳永泰元年鳳伽異築至明太祖壬戌洪
武十五年修周九里三丈高二丈九尺二寸共六門
南曰鹿正門樓曰近日大東門曰咸和樓曰殷春小
東門曰敷澤樓曰壁光北門曰拱辰樓曰眺京大西
門曰寶成樓曰拓邊小西門曰威遠樓曰康阜



優曇花

雲南府省城土主廟南詔蒙氏時有僧菩提巴波一名大又法師自西天竺來以所携念珠九子種左右樹高數丈枝葉扶疎每歲四月花開如蓮有十二瓣遇閏則多一瓣今存西一株尚茂

鹽井

滇中共四十處惟楚雄府姚州之白井楚雄縣之黑井琅井為佳蒙氏時洞庭龍女牧羊於此羊忽入地掘之鹽水出故名白羊井今稱白井若黑琅二井因黑牛與狼舐地知鹽故名以狼為琅取音同也

神石

楚雄府南安州石高十餘丈土人每歲以金箔貼其頂有禱輒應蒙異牟尋封為南嶽

白崖城

大理府趙州東六十里蠻語謂州為臉南詔有十臉此即白崖臉也

穿心塔

雲南府省城外官渡昔有螺精為患建塔鎮之市有碑蒙氏摩訶羅嵯會盟立

靈會寺

大理府城北喜洲院旁村蒙氏征摩些渡金沙江一
木自水中逆流異而取之造成千况光如來佛置於彼
中藍婆寺忽大雨決旬村民烟火盡滅惟此佛前燈
不滅軍中乃得火因迎像遷大理建寺奉之寺有古
梅一株鐵幹橫撐花千層作紅玉色相傳亦蒙氏時
所植故人又呼為唐梅寺

石佛

囉裏籠即今雲南府宜良縣崇真寺蒙尋閣勸立

五華樓

大理府城南門內滇王蒙豐佑建方廣五里高百尺

上可容萬人下可建五丈旗蒙古太弟忽必烈征大
理曾駐兵樓前重修後遭兵火始廢今城中譙樓曰
五華始存其名其廢址約在城之中央耳

高河 一名馮河

大理府點蒼山玉局峯頂之南世傳觀音大士放於黑
龍於此使春夏居溫湯今龍尾閣西溫泉閣秋冬居雪山蒙豐
佑遣軍將晟君潞山為池導山泉洩流為川灌田數
萬頃民得耕種之補是名高河一名馮河巖壁聳削
潭嵌以石版皆人力為之者潭深莫測水面有落葉
鳥輒啣去

圓通洞

雲南府省城昆明縣治之西北螺峯山蒙氏時建寺
內有圓通洞後至元代有蛟為患僧蓮峰行法鎮之
李源道有碑記其事

古城

雲南府省城東南詔蒙隆舜築與其子舜化貞者

香巖

大理府點蒼山中和峯之半其地草木皆香傳為釋
迦佛苦修之地又名香石巖

金馬碧雞

雲南府城外二山東為金馬西為碧雞周時西天天
竺摩竭國阿育王生三子長扶邦次宏德三至德名一
驃苴王有神馬其色如金三子爭欲之王令縱馬以
轡私授至德下令曰能獲者與之至德部眾追至東
山以轡收得馬至德即止馬故今名山為金馬扶邦
宏德部眾繼往聞至德已德馬得二人乃屯於西山時
山有碧鳳土人不識呼為碧雞二人亦同止馬故今
名山為碧雞阿育王念滇遠恐三子不得歸遣其舅
氏神明者統兵以迎將歸哀牢夷阻道三子遂不得
返既歿扶邦為碧雞山神宏德為巖頭山神至德為

金馬山神漢宣帝聽方士言遣諫大夫王褒求金馬
碧雞之神褒未至滇自蜀中望祭而回移文於二神
曰持節使王褒謹拜南崖敬移金精神馬縹碧之雞
虜南之荒深谿回谷非王之鄉歸來歸來漢德無疆
廣乎唐虞澤配三皇黃龍見今白虎仁歸來歸來可
以為歸兮翔兮何事南荒也後至南詔大蒙國王異
弁尋時封金馬碧雞二神為景帝

羅刹封石

點蒼山五台峯之上陽羊一作溪谷口有方石如樓狀
世傳觀音大士閉羅刹於此所謂雲南刹即漢書又名

僧而鐵止之將子保

戮魔石之蔚按大理為古妙是為羅刹好食人敬者
為巫祝刹羅也託言欲求片地自修敬以告刹僧
即觀音曰但欲就水岸上書券而去僧是刹許諾
所合立符券遂就羅刹怒僧乃鑿河化金屋一區曰
犬一勝地居汝因於點蒼山之陽溪化金屋一區曰
別有一勝地居汝因於點蒼山之陽溪化金屋一區曰
喜移其屬以而封矣僧乃鑿河化金屋一區曰
生河一今人以而封矣僧乃鑿河化金屋一區曰
西水也一經注曰洱河一名昆瀾池為一大士海云
榆水縣北十注曰洱河一名昆瀾池為一大士海云
浪穿縣北十注曰洱河一名昆瀾池為一大士海云
崆峒名蒲陀入江又里罷谷山江界分源出寧江府
州會蒲陀入江又里罷谷山江界分源出寧江府
江怒地江俱南流府鄧州界分源出寧江府
河形如月生五日月抱洱河之尾抱廣二府
弄斜陽二峰之足虛其腹納十河首之水南行
長六倍之中有赤文金梭玉橋而三島又西繞點
南龍尾閣扼之水乃洞天生橋而三島又西繞點

南龍尾閣扼之水乃洞天生橋而三島又西繞點

之背合蒙化廳漾濞江
之水瀾滄江而入南海

天生橋

大理府城南三十里龍尾閣之西南五里許即大士
鑿洞山谷使洱水下趨處也下斷上連深整絕壑石
梁跨之僅度一人兩崖激水濺珠宛如梅萼人呼為
不謝梅礪北有省嶂名一線天

鶴拓

大士既洩洱水其地林藪蔽翳人莫敢入有二鶴日
往來河岸人跡之而入鏟川榛蕪乃得平土而居之
大理府城南舊建有雙鶴橋蓋誌其異

金坡

大理府賓川州城南二十五里地名賓居有仁慈大
王廟洱水伏流而出於廟下廟北坡上有上馬石臺
名金坡大玉即張敬佐大士收羅刹者

盟祠

點蒼山中和峯之麓世傳三月十五日大士與羅刹
盟於此故建祠祀之一名觀音市至今有三月街商
賈百貨集焉

竹王祠

臨安府通海縣漢有女子浣衣見三節竹流來足間

有聲破竹得兒長雄諸夷以竹為姓捐破竹於野成林後因於竹中為祠

玉案山

大理府東葉榆河之東漢司馬相如至此上疏請開益州司馬遷亦曾至此其崖間刻字云此水可當兵十萬昔人空有容三千蔚疑此為唐南詔

婦負石

大理府城南十五里陽和舖今為觀世傳漢兵至境上天士化為老婦以稻草縻一大石負之而趨漢兵見之吐舌相誠勿露及因以其地為葉榆置吏焉石

在觀音寺內

漢使臣廟

雲南府省城西三十里進耳山

蘭津橋

景東廳城西蘭滄江按即黑水也源出吐番鹿石麻今廢蘭州故名蘭滄後訛為瀾滄今又訛為浪滄順寧府景東廳元江州龍州東南過永昌府蒙化廳洱水西流入於洛故名洛水言其脉絡分明也西岸峭壁飛泉俯映江水地勢險絕以鐵鎖繫南北為橋東漢明帝時建

天威徑

大理府城南尾尾閔之西為達永昌大道後漢諸葛
武侯七擒孟獲獲心服曰公天威也南人不復反矣
故名此地為天威運蔚按交州記安南至邕州海多
鑿開五涇涇有青石不能治繼而震碎之涇始通因
名天威涇與此名同而涇徑字異乃戰馬休嘶瘴嶺
高駢天威徑詩云豺狼坑盡却朝天弦以涇作徑高
邊歸路險巖今坦蕩一條干里直如未嘗至瀆是
駢曾為嶺南節度使破南詔復安南也郡志似誤
詩當局安南之涇無疑非大理之徑也

畫卦臺

點蒼山龍泉峰下武侯屯兵於此草中得伏羲像因
作八卦臺祀之土人以為祭天又名為祭天台臺

諸葛碑二

一雲南府省城東二里舊漢營一不詳其處按碑文
云碑若踣蠻為漢奴蔚考此碑在大理府趙州之白
之然蔚親至鐵柱處鐵柱空存無此七字

諸葛營

永昌府城南一土阜周三十餘丈高六尺雖遇盛潦
阜隨水上下不沒俗稱武侯旗台臺

九龍山

永昌府城南山有王氣武侯掘斷之

諸葛砦

大理府鄧川州東三十里即豪猪洞南山頂有石牆

遺址下有龍潭石壁上龍形日月星辰之文人馬揮
霍之狀層見疊出如雕刻然昔武侯擒孟獲於銀坑
洞即此

孟獲巖

雲南府嵩明州楊林驛搖鈴山

五台峯

點蒼山北來第三峯也漢使李平寧見有王氣掘斷
之寧為雷震死

菁華洞

大理府雲南縣八里許漢時出一鹿兩頭絕佳

風雷洞

臨安府阿迷州建寧國張氏時洞有風雷聲聞百里
天女城

雲南府晉寧州晉時寧州刺史李毅女秀築

滇池神馬

晉寧州東晉孝武帝己丑太元十四年寧州守費統
奏滇民童聰見池中有黑白二馬出入故老言神馬
也出與馬交生駒池中日行千里按滇池周三百餘
里史云源廣末狹有似倒流故曰滇滇顛也

盟誓碑

曲靖府北十五里大理國段思平與三十七蠻部會盟於此立

萬箭樹

永昌府哀牢山北段氏因濮蠻出沒於此射其樹以厭之箭鏃如蠟

石乳崖

點蒼山蓮花峯下湧溪上有滴乳石大理國段氏時高智昇初生其父棄之於此石滴乳入口得不死遂復收育之

德江城

楚雄府城西北二里後理國段正淳時封高明亮於此後高量成讓相位居之人化其德故名城曰德江

東西河

雲南府省城外元雲南行省平章政事賽典赤所開東名金汁西名銀汁

咸陽王墓

雲南府省城東五里賽典赤治滇有功封咸陽王

元梁王宮

雲南府省城東即今之長春觀一云即今布政司署譙樓猶其故築玉女城

雲南府省城北七里廢谷昌縣一名道之旁梁王築

梁王避暑宮

雲南府省城西三十里太華山之右羅漢山舊華亭
寺

白塔

雲南府省城外東三里通衢中東嶽廟前乃元時萬
慶寺塔

元段平章墓

大理府北門外崇聖一名塔寺旁平章段功也
梁王墓

雲南府省城外進耳山梁王把匝剌瓦爾密之墓

溫泉

雲南府安寧州城外色如碧玉清鑿毛髮滇中共十
七泉此為第一即唐玄宗驪山玉蓮池想亦不及也

風孔

大理府點蒼山北來第七峯三陽峯筴原之上風從
地孔出夏月過之肌骨如水郡之多風以此

蝶泉

大理府龍首閣之南泉從石腹湧出旁有蝴蝶花一
株高丈餘夏月花開狀如蝴蝶而蝶啣之蝶與蝶復

首尾相啣長垂至地亦奇觀也

天耳山

蒙化廳城北相傳凡人有計度言語雖甚秘山中便有人傳之

龍潭

麗江府城西南廣十畝深不可測四旁草結如碑履一處則諸虜皆動人或近之風雨輒至

仙人坡

臨安府通海縣箐口鋪每旦有白沙印巨人跡掃之正午不見次日如故

秀山花

通海縣秀山上有花一株如芍藥中土所未有俗不識其名乃呼為白山茶

火井

臨安府阿迷州田間夜常有光投以竹木則燃

蟠坤神廟

澂江府江川縣東南十里蟠山石巖中明西平侯沐晟征交趾至此迷路有緋衣白馬人麾騎而前從之得路比還復見旌旗驃衛列炬千餘張樂入洞得石如人形肖像祀之廟久廢一日廟址有馬跡大如盂

平之愈多。土人遂復其廟。

石人

武定州昔有仙人騎驢至此驢見石人忽驚仙人因斬之今斷石人在焉。

香水泉

武定州城南其泉春時則出香人於二三月間祭之汲水和酒飲能療疾。

惠嫺湖

武定州城西北湖方廣五里茂林嘉樹掩映其旁葉落水面即有小青鳥啣去。

神鹿

大理府點蒼山中常有之一身兩頭其行如飛喜食百草雖草性毒者能解之無害。

占農石

大理府浪穹縣城南三十里鳳羽鄉有石竅中藏一蛇見頭則插袂早見腹則及時見尾則旱人以占農。

鳳棲木

大理府趙州白巖赤水江有古樹二株夭矯參雲相傳昔曾有鳳棲其上。

仙人晒丹石

大理府雲龍州舊州南七里有石高二丈周二丈其頂甚平每雨過有赤斑如丹砂拭之愈明

金雞石

雲龍州順盪山石窟中有白石形如雞相傳昔有石龍欲飛聞石雞鳴遁入岩內今岩下有石龍露其半體鱗甲爪尾皆具

石觀音像

雲龍州維馬井溫泉北燕子窠絕頂有石觀音像右手拄杖南行天然如刻畫

大羅城

大理府賓川州東一里俗呼軍營明孝宗宏治間掘地得碑上有大羅城三字因以名衛

禹王碑二

一在雲南府安寧州法華寺石壁上
一在大理府城西南弘聖寺塔一名一前明嘉靖間新都楊莊介公慎摹衡山均嵯碑并釋文刻石於此

寫韻樓龍女花

大理府城南聖應峯麓海光寺一名蕩山寺楊莊介公著六書轉注古音處李元陽中谿侍御題額樓前有龍女花一株花六瓣中心有金色小如意狀填中

惟此一樹相傳昔有龍女因聽法悟道化身為此花云。

紀事

應作平緬宣慰使

明太祖甲子洪武十七年遷中土大姓以實雲南是年雲南始開貢十八年十二月平宣緬慰使思倫寇景東二十年思倫復犯景東西年平侯沐英討之自楚雄至景東每百里置一營率兵屯糧以備蠻寇二十一年正月命潁國公傅友德統番漢大軍征勦雲南諸蠻思倫入寇結砦於摩沙勒今元江州地犯他郎沐英命都指揮寧正平之三月思倫復舉衆三十萬戰

象百餘寇定邊沐英自將精銳三萬人往討之凡十五日方抵其營遣都督馮誠以輕騎三百挑之賊驅萬人乘三十餘象來戰誠殺賊數百人獲一象而回英曰吾知賊不足破也多乃下令多置火銃神機箭分將士為三行彼象進則前行之銃箭齊發若象未退則第二行之銃箭繼之第三行又繼之象必反走然後大軍乘之約束既定明旦賊果驅百象來戰象皆披甲背負箭樓若欄楯然兩旁夾大竹筒置鏢鎗其中英命馮誠居前寧正居左湯昭居右兩陣既交象為前列官軍火箭銃礮連發山谷震動渠帥乃斯

郎斯郎理中箭死象背象皆反走首昔刺者有勇力
殊死戰英登高望之左師少却命左右取帥首來左
師遙見一人拔刀飛騎而下摩衆復前鏖戰移時賊
大敗斬首三萬餘級生擒七十四象餘象皆死諸蠻
屍相枕籍思倫遁去五月都督張銓以從征東川蠻
有功封永寧侯子孫世襲指揮使九月傳友德等討
越州土目阿資於普安沐英遣都督甯正以兵從斬
其渠滿已青生擒一千三百餘人阿資降二十三年
十一月思倫降仍命為平緬宣慰使二十五年四月
命都督聶緯討建昌叛酋月魯帖木兒五月都督俞

通淵平蠻回京進封越嵩侯賜鐵券世襲六月西平
侯沐英卒上哭之慟輟視朝親製文遣使祭之追封
黔寧王謚昭靖配享太廟仍肖像於功臣廟英以哭
懿文太子過哀失聲嘔血遂得疾而卒年四十七詔
以其喪歸葬江南之觀音山蔚按英五子一子早卒
雲南卒謚惠襄年二十六無子弟嗣征交趾功封
黔國公洪熙時加太傅正統四年討麓川判首思任
因部將方政失律自引罪傲藥卒年七十一後追封
定遠王謚忠敬子斌幼弟昂佩印代鎮與靖遠伯襲
驥討麓川平之卒年六十七贈定遠伯謚武襄嗣襲
封黔國公卒年五十四謚榮康子琮幼以任璘嗣襲
卒弟瓚代鎮十年五十年而琮始襲黔國公卒年七十
謚武僖無子以瓚之孫當從侯爵守臣爭之謂南人知
黔國公侯之恐為所輕於是崑年十四拜公孫卒年

與名平之

三

二獻字均應改
作獻

四弟朝弼襲弼子詔勳襲卒謚敬靖子朝輔襲卒謚恭
其年七十子獻被論除名以獻子啓元襲暴卒子天
波龍死於緬甸十四代
三世絕共傳一十六代

九月建昌土官月魯帖木兒叛命涼國公藍玉越萬
侯俞通淵將兵討之至遣百戶毛海誘致月魯帖木
兒檻送京師遂於邛部州築城置越萬鎮守其地二
十六年癸酉雲南始赴應天鄉試二十七年甲戌雲
南始中進士二十八年鎮守雲南西平侯沐春討越
州叛酋阿資斬之諸蠻震服三十年九月麓川蠻刀
幹孟叛遂宣慰使思倫倫奔憩京師詔沐春為征南

大將軍何福徐凱為左右副討之三十二年二月刀
幹孟請入貢五月沐春進兵擊麓川先以兵送思倫
於金齒使人諭刀幹孟不從乃遣何福等直搗南甸
破景罕砦復擊控峒砦孟乞降上以其反覆不許何
福遂擒孟斬之思倫還麓川悉定九月西平侯沐春
卒弟晟嗣成祖癸未永樂元年封汝南王朱有勳於
大理成祖之姪也丙戌四年七月命成國公朱能佩
征南大將軍印西平侯沐晟為左副將軍新城侯張
輔為右副將軍率豐城侯李彬寧陽伯陳旭等二十
五將兵部尚書劉儁叅贊軍務發兵討安南篡臣黎

季犛命沐晟由雲南臨安府蒙自縣入。朱能等由廣西思明府憑祥州入。先是安南國王陳日焜為其臣黎季犛所殺。犛上表竄姓名，詐稱陳氏絕嗣，求署國事。踰年，日焜之孫天平至京，懇寔上遣使詰問。犛卑辭乞請，天平遂國。上遣廣西都督黃中等送天平歸。犛伏兵殺天平，中等引還。上怒，故有是命。是年征八百，降之。雲南大小古刺王潑的那浪等來貢，詔立宣慰長官司。先是朝命中官楊瑄與雲南千戶孟景賢詔諭諸夷，古刺因而朝貢。丁亥五年五月，沐晟、張輔等安南擒黎季犛、黎澄、黎蒼、黎芮、黎季獵等，餘衆悉降，得郡四十八，縣百八十六，戶三百十二萬五千九百。六月，改安南為交趾，命督餉尚書黃福兼掌布按二司事。督都簽事呂毅掌都使司事，分十七府曰：交州、北江、諒江、三江、建平、新安、建昌、奉化、清化、宣化、太原、鎮蠻、諒山、新平、義安、順化、升華、州五。曰：宣化、嘉興、歸化、廣威、演州。統諸州縣。六年三月，張輔、沐晟等振旅還京，上交趾地圖，東西一千七百里，南北二千八百里，建設軍民大小衙門四百七十有二。七月，論平交趾功，進張輔英國公、沐晟黔國公。八月，交趾蠻簡定反，為陳氏故官，不臣黎氏。從軍下安南，有

功後逃去其黨推為日南王僭元興慶十二月沐晟
率師與簡定戰於生厥江敗績兵部尚書劉儁等死
之上命張輔充總兵官清遠侯王友為副率師二十
萬往征之七年八月命張輔與沐晟合兵討交趾獲
簡定檻送京師陳季擴遁去時簡定稱上皇立季擴
為天越皇帝僭元重光擴蠻人自言陳氏後九年正
月命張輔復往交趾會同黔國公沐晟討捕叛寇雲
南始開科取士十一年十二月張輔等敗賊於愛子
江十二年正月沐晟等至老撾三閩獲陳季擴檻送
京師八月伏誅十三年四月命張輔鎮守交趾仁宗
乙巳洪熙元年從汝南王有勲於湖廣武岡州為岷
王宣宗丙午宣德元年定雲南取士中二十名十二
月命沐晟為征南將軍同安遠侯柳升等由雲南分
道進討交趾叛賊黎利二年命禮部侍郎李琦工部
侍郎羅汝敬等冊封陳暠為安南國王五年八月安
南黎利篡陳暠而自立六年六月遣禮部右侍郎章
敞通政使徐琦齎詔命安南頭目黎利權署國事七
年八月土官刀之雅奏波剌國屢侵請兵討之帝曰
遠夷不可勞中國必兩有不是降詔諭解英宗丁巳
正統二年麓川宣慰使思任叛三年思任侵掠騰衝

南甸等處上遣刑部主事楊寧往諭不聽四年五月
黔國公沐晟奉命討思任都督方政違晟節制渡江
陷沒上遣使責狀晟曰吾主將失律喪師罪當死至
楚雄飲藥而卒五年廣西府儂人沙人等叛沐昂平
之六年正月命定西伯蔣貴總兵征麓川兵部尚書
王驥提督軍務十一月蔣貴王驥進至金齒分兵為
三道夾攻上江因風縱火焚其營壘斬首五萬餘級
賊敗走保險官軍深入破連環七砦於杉木籠山又
破其象陣於馬鞍山之陰賊死傷者十餘萬思任遁
走緬甸王驥移兵討韋郎羅郎羅者偽廣新王維摩
賊也聞王尚書大兵且至賊黨潰散郎羅走安南驥
檄安南追賊安南人惧斬其首並縛其妻子來獻七
年三月麓川班師回京論功封蔣貴定走西侯王驥靖
遠伯侯璉楊寧俱轉侍郎十月復命王驥蔣貴征麓
川緬甸思任遁俘其妻子而還九年緬甸匿思任十
年築騰衝城十三年王驥敗麓川賊於孟養十四年
四月王驥擒叛苗蟲富檻送京師伏誅景帝景泰三
年王驥賞緬甸孟養地緬人喜乃擒思任妻子時思
任已死並斬其首以獻四年定雲南取士比舊加十
名每科額中三十名憲宗成化十二年雲南鎮守太

按王已言俘其妻十
年三月麓川班師
擒其妻

監錢能羞指揮郭英由小路入交趾求索安南驚駭英回以兵尾之事聞於朝命王恕撫鎮捕英英投井死恕在鎮月餘流二十上時錢能有錦背鸚鵡織金絲八寶籠欲進上恕遣人借觀開籠放去恐後取求擾民耳十五年巨津州白石山一日中裂半入於江水濫田廬時屢有邊驚孝宗宏治十三年滇三十六處同日地震命刑部侍郎樊瑩祭境內山川考察文武去官一千二百五十八員雲南鎮軍叛先是撫臣張誥浚元賽典赤所開東西二溝用省城六衛軍因給月糧稍遲衆軍譁於撫衙前時有勢豪因宿忿駕言是鄉宦進士韓昂阻糧衆軍入昂家須臾屋無片瓦以激變論下昂父子於獄合家寃死十餘人招安畢誅首叛白清等數人而已十六年春貢院騰蛟起鳳額大風吹去十餘里山上麥移山下時巨津州邊報甚急十八年滇大震遣禮部郎中陳崧祭滇山川武宗正德九年滇大震世宗嘉靖三年緬夷火燒齋金牌官七年冬尋甸土舍安銓叛先是知府馬性魯因徵糧禁銓妻鳳氏於獄裸撻之銓聚衆奪妻襲入府又構武定土舍鳳朝文陷嵩明楊林阻木密間攻馬龍等處直趨省城襲西北門軍民市舍勢甚張朝

命兵部尚書伍文定往討。文定至滇，銓已就擒。十六年，因貴州分科，雲南取士，定中四十名。蔣按：後於萬應龍奏准，加五名。安南國奏稱貢使不通，由莫登庸謀為不軌，阻截道路，請討之。上遣使覆勘雲南，巡撫汪文盛與黔國公沐朝輔募南蠻刀鮮詞察莫登庸情罪虛寔，獲其課者阮景等八人，偽印一顆，偽大誥一冊。奏聞，上曰：登庸篡立，偽作大誥，罪在不赦。其議討之。文盛等以臨安府自縣境外，其地名交岡，即交趾守臣武文淵所在，於是移文查勘交趾叛逆原由。批文淵回文云：安南國威勇推功臣特進輔國上將軍行宣光都督使司總兵慶陽侯武文淵謹具呈狀為查勘事。嘉靖十六年三月下旬，文淵奉見天朝臨府，安大官帖文一道，查勘安南篡逆事由，仍示文淵禍福之理，向化之方，不勝喜懼。恭惟皇帝爺陛下尊居九五位，正萬方休天地之心，正綱常之道，故大官有是帖也。文淵敢不忠陳彼莫登庸者，海濱之子，祖父捕魚為業，並弟莫樞，前國王黎暉錄而用之。國王去世，國人立黎椅為王，年號光紹。登庸謀為不軌，遂而醜之。復立光紹弟黎椿為王，未五年，又弑之。暴王屍於棺外，篡其偽號明德。未三年，兄弟相爭，殺其弟莫樞。

檣

傳子方瀛改號大正凡八年退於海明方瀛居龍編城篡位殺主事蓋如此本國忠義舊臣如鄭維駿保護光紹之子黎裡守清化城鄭岬鄭曉守太原路阮淦守義安路阮仁廉守廣南路義存故主各提兵靖難戢此故也伏乞大官體朝廷德意奉詞伐罪備將前項事由陳奏亦安南福也至於山川道路難易若石龍關至歸化府五百里山路崎嶇歸化至龍編城路頗平坦諒山府至龍編城六百里俱大路西安府至龍編城一千里崎嶇難行安邦水洋海道難渡道里志在天朝版圖不必再言惟念登庸父子之奸浮

於荆惡南土人民殆甚秦苛文淵祇承本國出領宣光深有益於天朝恭惟皇帝爺陛下德亨屯量洪極渙奮武周伐罪之舉嚴人臣篡弒之誅文淵求以報國願為鄉道剷除逆庸正名分之乖違拯民生之塗炭內安外撫遐邇通共仰於德威大畏小懷蠻貊均沾夫德教謹具呈狀伏祈鑒照十八年朝命咸寧侯仇鸞兵部尚書毛伯溫統兵伐安南十九年安南莫登庸降二十年莫登庸降表至京詔改安南國為安南都統使司賜從二品銀印蔚按安南自黎利復反死子麟立麟死子濟立濟為廢兄琮所弒琮立黎壽域等殺之立濟弟灝灝死子暉立暉死子敬立敬死

弟誼立阮和殺誼立灝庶子明多行不義鄭綏等
力封武川伯而飛持劍下刺魚得巨魚呼為樂仕
為兵罷自稱興安王謀殺嘉靖其宮走清化登庸
乃立諱弟寧又弑慮而自嘉靖九年九月諱死國
大人立子其寧登庸龍寧走老揭登庸以九月諱死
言黎元大正及官軍進討方瀛乃移文雲南鎮臣
臣阮塗之篤召方瀛入宮付印章廷知其奸偽决意
討之阮方瀛已死黎姓非諱也福海守國與任莫文
明頭目阮如桂等四繫狂軍門稽首獻毛伯温等
初三日入閣各跪足四繫狂軍門稽首獻毛伯温等
遂宣諭朝廷威德稱制安南都統使司以莫登庸為
表至京詔改安南國為安南都統使司以莫登庸為
竄居高平統使子孫世龍後至萬曆四年莫登庸降
母相侵朝貢詔以黎維潭為都統使莫敬用為高平會

以上升庵紀事止此

續紀事

嘉靖三十年元江土舍那鑑殺姪奪印戕殺布政徐
樾樾乃江西名儒朝命撫臣石簡討平之三十六年
嵩甸通火李向陽等以徵糧太急為辭遂聚眾并糾
易門夷以叛偽號混天大王尋即剽平之三十九年
省城無賴段賜等謀叛賜先以罷吏禁獄久之自稱
段平章之後糾合惡少三十六人傲宋時淮南盜宋
江作亂事露收捕之四十二年武定鳳繼祖叛先是
管府印土婦瞿氏年老男婦索氏當繼領府事因得

內名... 卷下

國家圖書館, NATIONAL CENTRAL LIBRARY, TAIWAN, R.O.C.

罪瞿氏瞿氏遂謀奪印與族姪繼祖因而仇殺爭官
撫鎮命分守左叅政陳善往理繼祖抗命挾府叛旁
掠富民羅次糾東川夷首攻曲靖尋甸所至搔動分
守僉事張澤統兵進剿土舍阿方通賊斷浮橋絕王
師歸路澤兵敗不屈死之事聞於朝命巡撫李光洵
鎮守沐朝弼討之擒繼祖誅之改土設流同時死事
招安生員楊忠等惜未卹錄穆宗壬申隆慶六年隴
川岳叛鳳鳳以逃民為隴目把久之謀奪主印陰誘
莽寇三宣六慰三宣者隴川南甸千崖六慰者緬甸
益春八百大甸車里木邦老撾也蠱起官司屢撫之不聽神宗癸酉萬曆元年巡撫鄒

應龍討鐵鎖箐今楚雄府姚州所屬地赤石崖今大理府賓州屬地諸

叛夷平之九年岳鳳犯姚闕在永昌府南二百里時彗星見西

南方况芒燭天識者以為兵象十眷年日色無光月

赤如日夜無星辰晝迷烟霧數日方開十一年朝命

騰越遊擊劉綬永昌叅將鄧子龍討岳鳳時師宗州

守蜀人何珏嘗破蜀九絲砦立功有胆畧乃單騎入

賊巢諭以威德鎮撫司道協力擣剿遂擒岳鳳父子

并土舍罕虔三宣六慰悉平奏捷論功鎮守黔國公

沐昌祚陞太保賜一品服撫臣劉世曾陞侍郎賜一

品服各蔭一子司道府牧令等官各賚銀緞有差劉

南言野史卷下
三十一
緄鄧子龍俱陞副總兵官。奏捷露布曰：雲南游擊將軍署都指揮僉事劉緄為仰仗天威，蕩平巨寇，恢復三宣六慰，傳露布以報大捷。事伏以皇靈丕振，恩威暨及於邊陲，天命維新，聲教訖通於荒服。幸膚功之克奏，占景運之重熙。逆夷岳鳳等原以土司部落，冀草賤夫狐媚期，孤謀主奪印，雄吞六慰，威劫三宣。馴至結連逆黨，蠶食諸夷，遂爾勾引莽首，憑陵中夏。上年謀殺官軍，肆無忌憚，迄今侵犯內地，寔屬伺窺。蓋謂騰越永昌皆彼坵隴所在，碧雞金馬亦其桑梓故墟。是以蜂屯蟻聚，謀為不臧，輒敢鴟哭鴉張，志非在

小。憑孽狐之坵，跳恃狡兔之穴。

梁口口

踞伏偷安，以為威狐

不射。容知天網莫逃，本職奉命以來，神飛智湧，足蹈心馳，自誓與賊勢不俱生，恨不滅此而後朝食。爰於萬曆癸未年十一月二十六日，橫槊誓師，分哨並進，披歷險隘，直抵賊巢。元惡即已倒戈，就擒脅從悉皆俯首受縛。月射千山，嘉獲田禽之利；風行六詔，載揚霜隼之威。惟時大義激于衆心，勝氣騰於千里，神武布昭於將校，歡聲雷動於九天。莫不鼓舞戎行，虔恭師律，戈戟連雲，直欲靖烟塵於海島；鼓鞞動地，還期洗甲冑於天河。兕蜮盡在目中，凱旋指諸掌上。虎穴

笑談平功收不戰狼烟呼吸定績底咸寧批金沙城
蠻哈言有大而非夸通寶井跨南滇信無行而不利
土地充拓者遠近不下數千餘里擄掠奪回者旄倪
概記憶萬餘人爰相機宜普施措置撫岳鳳而姑縱
之欲南人聞風而懷服討蠻暮而隨宥之欲逆黨畏
威而懲創招猛密褒其母之慈賢招猛養表其兄之
忠憤績罕氏以復于崖故土納木邦以慰殘蠻來歸
誘洞吾之忿爭使之自相屠戮諭阿九之款附使之
反面仇讐襲賊將於猛統剪黜夷之羽翼擒恭壻於
孟養去劇寇之爪牙至於芒市錫箔孟甸遺氓之失
業已久則招安之以厚疆域之藩籬南甸雷弄蓋連
黔首之顛連尤極則賑貸之以固騰永之門戶切雲
霓之思者望風而嚮應避水火之厄者襁負而爭先
當鋤強戡暴之威存問死卹傷之惠試兵甫及二月
犁掃為之一空遂使海濱梟雄咸謂天威莫測退取
童叟共歌聖壽無疆但念疆宇雖已廓清莽首猶然
肆大若不亟加剿滅終為禍根蔓延際可乘之時而
經畧譬若建瓴假彈壓之威以剪除勢如破竹即於
甲申年二月十一日糾合諸夷輒血甜符定縱連橫
合營進討蓋雖不殺致殺寔則以夷攻夷財不費而

國勢愈張，師不煩而聲，軍益振，共集堂堂之陣，用成赫赫之功。俟蕩平之後，另圖改土設流，於平定之餘，更宜築閣建堡，設大將旗鼓，以控制要衝，立諸司衙門，而相為犄角，隨行屯田之策，以足食而財可使富，保障堅于未形，又練土著之丁，以足兵而力可使強，么麼庶幾無患。由是兩霽雲開，見隴樹蒼山之色，風清亭靜，斷羗絃番管之聲，而滇南之安，永保萬世無虞矣。地方幸甚，國家幸甚，敬馳露布以聞。萬曆十三年三月十六日，奉旨岳鳳罕度等解赴京，八百車里，八百夷，以犀象方物來貢。是月岳鳳等解至京，禮部二部奏請獻俘告廟，其獻俘儀注內開云：禮部儀制清吏司為仰仗天威，討擒元惡，恢復疆土，恭報西南蕩平，以抒聖懷事。奉本部連送該本部題本司案呈奉本部送，先準兵部咨稱雲南鎮撫等官沐昌祚劉世魯等恭報節次擒斬逆犯首級二千一百三十八名，顆及逆賊岳鳳父子等五名，續添莽糜啞晏得皮一名，押解到京，乞擇日祭告郊廟，宣捷獻俘等因，題奉欽依。移咨前來。該本部照例題請於本月二十九日早遣官祭告郊廟。是日御前宣奏捷音，百官吉服致辭稱賀，獻俘另行擇日，具儀題請等因。奉旨是祭

告南郊遣官徐文壁北郊朱印貞太廟駙馬侯拱宸
各行禮欽此欽遵隨行准欽天監手本擇到本年九
月初一日辰時吉獻俘等因到司案呈到部臣等謹
將獻俘合行儀注開呈上請伏乞聖裁等因萬曆十
三年八月二十三日本部尚書兼翰林院學士王等
具題二十五日奉聖旨是欽此欽遵擬合通行為此
合就送該司即行該衙門欽遵施行一前期禮部告
示文武百官具朝服詣午門前行慶賀禮先一日內
官設御座於午門樓前楹正中是日早錦衣衛設儀
仗於午門前御道之東東西教坊司陳大樂於御道
之東南西北鴻臚寺設贊禮二人於午門前東西相
向設文武官及諸藩使人等待立位於樓前御道南
文東武西相向及刑部獻俘官位於午門前御道東
稍南西向設獻俘將校位於午門前御道西稍南東
向引禮文武官東西序立獻俘將校引俘至列於午
門前西邊武班之後上常服御皇極門鳴鐘聲止鴻
臚寺跪奏上乘輿樂作至午門樓上升座樂止鳴鞭訖
鴻臚寺官宣奏畢贊獻俘將校引俘至獻俘位北向
立俘跪於將校之前刑部官詣樓前中道跪奏云具
官臣某奏某官以某處所俘獻請付所司候旨傳下

刑部官頷旨訖，即同將校押出施行。文武百官入班，北向立，唱排班齊，致辭官詣中道跪，致辭稱賀訖，贊鞠躬，樂作，五拜三叩頭，興，樂止。鴻臚寺官跪奏禮畢，駕興，樂作，百官以次退。三十五年十一月，武定土酋阿克率鄭舉等作亂，直抵省城，城外坊市悉被焚，索各官印信而去。還攻元謀和曲諸城，未及一月，陷一府三州四縣。尋旬，叛目亦應之，陷高明、偏楊林軍官，拒却之，還攻尋甸，陷祿豐。官軍四面合擊，追至東川，盡擒其黨，收回各官印信。四十八年，雲龍州土知州段嘉龍為其族人段進忠所殺，殘裂肢體，謀襲其職。剽掠無忌，大肆猖獗。巡撫沈儆劾授計於分守金滄道彭自新、瀾滄兵備道熊鳴岐，密擒之。會進忠偽託赴訴，由永平間道驟抵大理，擁衛逆眾，逼龍尾關而陣，名為待命。而彭自新、熊鳴岐等分布早定，遂命薛中軍、陳周二指揮突陣擒斬之，釋其脇從事平政土設流官知州。熹宗甲子天啓四年，阿昌一名夷林養峨昌中作亂，雲龍州知州周憲章討捕斬之。先是萬曆四十八年，段進忠之亂，養中防護瀾滄渡蘇溪鋪等處，戰甚力。養中魁梧，猛鷲有力，善弩，可敵百人。進忠平後，養中恃其勇力，漸露跋扈，擿官田不納賦，結賊黨。

時出剽掠，憲章諭散其黨，擒其弟林養節，殺之。養中遂逃遁，路江外之茶山野人境內，日治兵招集夷黨，潛圖襲州治。變聞，當路檄收其父兄妻妾，禁之。憲章曰：「賊忍復安，知有父兄，獨念其妻妾耳。」乃釋其妻李氏、妾女息，使寧家，而密購其鄰佑等，令潛伺養中，歸而擒之。養中果眷戀其妾，暗招之女息三往，而三阻於熊虎，不得達。養中遂於三月十三日暮夜潛回，至妾所，欲裹糧挾妾去，而憲章所購其鄰佑、李正芳、李直、段紹言、喇武等已知之。十四日黎明，急令人報，憲而各藏兵器，密布其屋之四周，先令敢勇者段早成入其家，牽制之。女息見早成入，大呼，養中挺刃出，早成遽以木叉扼其頸，拄之壁間，欲生得之。養中乃斷其父，斫早成，削左耳露骨。於是段紹言率喇武並進，養中方欲張弩，紹言挺格落之。養中復又傷，詔言左臂，喇武急奮刃前斫之。中養中要害，踣之地，乃斬其首，以獻。憲章釋其脅從之黨，亂遂定。

國朝大清世祖章皇帝丙戌順治三年冬十二月，安南土酋沙定洲叛，陷省城。黔國公沐天波奔楚雄，賊攻楚雄城不下，遣其黨王朔寇大理，回民與之暗通。由東門水洞入城，遂陷。先是阿迷州土酋普名聲叛，名

聲死其妻萬氏納安南土司沙定海海不能饜其欲
殺之納其弟定洲會黔國公沐天波調定洲討元謀
叛首吾必奎洲逗苗不進及賊平洲始至天波檄止
之不聽以兵屯省城闕天波府饒富心動一日託言
辭歸入天波府遽襲之天波急出西門士民見變起
倉卒遂擁護陳太夫人走城北普吉村之朝陽菴焦
夫人走金井菴避之而夫人慮被辱走夜俱自焚死
天波奔楚雄洲圍之城不下乃別遣其黨王朔寇陷
大理死者至七千餘人丁亥四年四月流寇孫可望
李定國劉文秀艾能奇等入滇沙定洲遁走八月孫
可望等兵破安寧進祿豐分守金滄道楊畏知拒之
祿豐獅子口戰於啓明橋兵敗被執可望遂鼓行而
西批大理城畏知不屈欲死可望慰苗之畏知挾可
望令無焚擄淫戮可望悉從之可望自稱平東王畏
知力爭乃去王號稱將軍辛卯八年五月前明分守
金滄道楊畏知罵賊死己亥十六年世雄命大將
軍信郡王鐸尼伐雲南同平西王吳三桂西討諸郡
軍屯大理龍尾關大理納款撤軍

附明楊莊介公升庵滇南月節詞

十二關調寄漁家傲

正月滇南春色早山茶樹樹齊開了豔李夭桃都壓

倒粧點好園林，處處紅雲島。彩架秋千騎，卷笳冰

然寶料銀毬小，誤馬隨車天欲曉。燈月皎，碧雞三唱

星回知蔚按卷末詳

二月滇南春，讌婉美人來去。春江暖，碧玉泉頭無近

遠，香迳軟，遊絲搖曳楊花轉。沽酒寶釵銀釧，滿尋

芳爭占新亭館，棗下艷詞歌纂纂。春日短，溫柔鄉裡

歸來晚

三月滇南遊賞競，牡丹芍藥，晨粧靚。太華亭芳草，送

花，餽羅天錦，地歌聲應。陌上柳昏花未暝，青樓

十里燈相映，絮妥塵香風已定。沉醉醒提壺，又喚明

朝興

四月滇南春迤邐，盈盈樓上新粧洗，八節常如三月

裏，花似綺，釵頭無日無花蕊。杏子單衫鴉色髻，共

傾浴佛金盆水，拜願靈山催早起，爭乞嗣珠，然先報

釵梁喜

五月滇南烟景別，清涼國裡無煩熱，雙鶴橋邊人賣

雪，冰梳啜，調梅點審和瓊屑。十里湖光晴汎艤，江

魚海菜鸞刀切，船尾浪花風捲葉，涼意愜，遊仙夢繞

蓬萊闕

六月滇南波漾渚，水雲鄉裡無煩暑，東寺雲生西寺

寺

寺

太華亭說一字

NATIONAL CENTRAL LIBRARY, TAIWAN, R.O.C.

雨竒峰吐水橋斷處餘霞補滇人謂虹為水橋松炬熒熒宵
作午星回令節傳今古玉傘雞墪初薦姐荷芰浦蘭
舟桂檝喧蕭鼓

七月滇南秋已透碧雞金馬山新瘦擺渡村西南嚙
口船放溜松花水發黃昏後七夕人家衣暴繡巧
雲新月佳期又院院燒灯如白晝風弄袖刺桐花底
仙裙皺

八月滇南秋可愛紅芳碧樹花仍在園圃全無搖落
態春莫賽玫瑰綠縷金針錄屈指中秋餐沆瀣遙
岑遠日天澄派七寶合成銀世界添興快涼砧獻月

勝筭籟

九月滇南籬菊秀銀霜玉露香盈手百種千名殊未
有搖落後橙黃橘綠為三友摘得金英來汎酒西
山爽氣當窓牖鬢禿菜莢歌獻壽君醉否水晶宮裡
過重九

十月滇南樓暖屋明總巧釘迎東旭晒魯麻酒也香
春瓮熟歌一曲酥花乳線浮綠綠蜀錦吳綾熏夜馥
洞房窈窕懸燈宿掃雪烹茶人似玉風弄竹霜天曉
角寒生粟

冬月滇南雲護野曾溪寺裡梅開也綠萼黃須香趁

馬携翠筴，墻頭沽酒橋頭瀉。江上鳴蟾初凍夜，漁
策句好真堪畫。青女素娥紛欲下，銀霰瀉，玉鱗皴遍
鴛鴦丸。

腊月滇南娛歲晏，家家餠塊雕盤薦。雞骨香盤火未
燄，栳柳串，紅潮醉頰櫻桃綻。苔翠璣瑜開夜讌，百
夷枕粲文食爛，醉寫宜春情興懶。粧閣畔，屠蘇已識
春風面。

南詔野史訂正訖，因題大理懷古二首於其木
簡。

邪龍鶴，招事荒微。遜國蠻風見亦希。地上赤文符自

現，柱頭金縷鳥能飛。九隆浮木神先命，三詔明樓骨
不歸。太息虔陀輕啓侮，萬人塚草沒烟霏。皮羅閣焚
詔未至，遣朕詔骨已携歸。惟浪穹詔施陽劍山河戰
浪詔蒙舍詔骨皆成灰，爐故止云三詔。
伐中，神川功業儘英雄。當時自識尊唐統，後代誰能
繼祖風。三塔妙因成獨久，五台王氣鑿先窮。十三傳
絕紛乘竊，白段天教興宋終。

按段氏其先為感武
郡白人，世為南詔
白段。

胡蔚美門氏題





國家圖書館, NATIONAL CENTRAL LIBRARY, TAIWAN, R.O.C.

序言
第一章
第二章
第三章
第四章
第五章
第六章
第七章
第八章
第九章
第十章
第十一章
第十二章
第十三章
第十四章
第十五章
第十六章
第十七章
第十八章
第十九章
第二十章
第二十一章
第二十二章
第二十三章
第二十四章
第二十五章
第二十六章
第二十七章
第二十八章
第二十九章
第三十章
第三十一章
第三十二章
第三十三章
第三十四章
第三十五章
第三十六章
第三十七章
第三十八章
第三十九章
第四十章
第四十一章
第四十二章
第四十三章
第四十四章
第四十五章
第四十六章
第四十七章
第四十八章
第四十九章
第五十章
第五十一章
第五十二章
第五十三章
第五十四章
第五十五章
第五十六章
第五十七章
第五十八章
第五十九章
第六十章
第六十一章
第六十二章
第六十三章
第六十四章
第六十五章
第六十六章
第六十七章
第六十八章
第六十九章
第七十章
第七十一章
第七十二章
第七十三章
第七十四章
第七十五章
第七十六章
第七十七章
第七十八章
第七十九章
第八十章
第八十一章
第八十二章
第八十三章
第八十四章
第八十五章
第八十六章
第八十七章
第八十八章
第八十九章
第九十章
第九十一章
第九十二章
第九十三章
第九十四章
第九十五章
第九十六章
第九十七章
第九十八章
第九十九章
第一百章